

# Tsanas

Axenon ikanwe

5

Baritiayabaona

SHIPIBO - KONIBO



# La ciudadana y el ciudadano que queremos

**Desarrolla** procesos autónomos de aprendizaje.

Se **reconoce** como persona valiosa y se identifica con su cultura en diferentes contextos.

**Gestiona** proyectos de manera ética.

**Interpreta** la realidad y toma decisiones con conocimientos matemáticos.

**Propicia** la vida en democracia comprendiendo los procesos históricos y sociales.

**Indaga** y comprende el mundo natural y artificial utilizando conocimientos científicos en diálogo con saberes locales.

## Perfil de egreso

Se **comunica** en su lengua materna, en castellano como segunda lengua y en inglés como lengua extranjera.

**Aprovecha** responsablemente las tecnologías.

**Comprende** y aprecia la dimensión espiritual y religiosa.

**Aprecia** manifestaciones artístico-culturales y crea proyectos de arte.

**Practica** una vida activa y saludable.

**Curriculum**  
Nacional



# Tsanas

Axenon ikanwe

5

Baritiayabaona





Ministerio de Educación

Dirección General de Educación Básica Alternativa, Intercultural Bilingüe  
y de Servicios Educativos en el Ámbito Rural

Dirección de Educación Intercultural Bilingüe

**Tsanas - Axenon ikanwe - 5 Baritiyabaona**

Cuaderno de trabajo y folder - inicial 5 años Shipibo Konibo

©Ministerio de Educación  
Av. De la Arqueología cuadra 2, San Borja  
Lima, Perú  
Teléfono: 615-5800  
[www.gob.pe/minedu](http://www.gob.pe/minedu)

Cuarta edición, 2020  
Tiraje: 1421 ejemplares  
Impreso en enero 2021

**Elaboración de contenido**

Milca Escobar Mori

**Revisión de contenido:**

Mercy López Sinuiri

**Revisión de lingüística:**

Josué Rodríguez Gonzales

**Validación participativa**

Betty Roxana Muñoz Agustín

**Asesoría y revisión técnica Digeibira-DEIB**

Martha Morales Quiróz

Milca Escobar Mori

**Ilustraciones**

Archivo Digeibira-DEIB

**Diseño y diagramación**

César Adolfo Yeckle Castro

Deysi López Ventura

**Cuidado de la edición**

Javier Ugaz Aguilar

Se terminó de imprimir en enero de 2021 en:

Gráfica Biblos S.A.

Calle Morococha 152 - Surquillo

Hecho el Depósito Legal en la Biblioteca Nacional del Perú

N° 2020-10166

Todos los derechos reservados. Prohibida la reproducción  
de este libro por cualquier medio, total o parcialmente, sin  
permiso expreso de los editores.

Impreso en el Perú/*Printed in Peru*





# Peokin yoia

## **Bake ainbo, bake benbo**

Nato kirika Tsanas janeya riki 5 baritiaya bakebo shinaxon axona.

Tsanas riki maxkoshoko yoina, mari jisa kikin ishto itan koshi. Jawen rani riki ranshintani kikin soi, kantsin mainko jaa, jiwi kinimeran oxai, paon piai itan mesko yobinbo jawekiaxon banai. Bake pikoketian jaki yoinna iamaxon koshona, bake chixoyamatani aniai.

Nato kirika riki axeamisbo tsinkixon aka, mesko jawekibo jainoa oinax mia axetikopi. Min anibaon itan mibe axeaibaonribi mia akinti atipanke.

Jaskaribiakin min axeamisninribi mia akinti jake jainxon bena shinanbo min bibotikopi.

Non axemeranxonbi kirika jakon akin onantanan mia aniti jake, noimisti itan min jema akinti shinanya jakonax itan jakoni ninkakanani wetsabobetan jatikopi.

Nato kirikameranra jake mesko jawekibaon mia axetibo jonii iananbi itan tsiniananbi wishatibo, sikatibo, imaa yoitibo, winotabo ninkati, rabitibo, bewatibo, ribojantibo itan wetsaboribi.

Raroshamankin itan raya rayashamankin nato kirika awe, mia onan inon minra atipanke raenanyananbi axewe. Mina riki nato kirika koiranwe.



# Glosario

**raoawe:** decorar los dibujo.

**chaniti:** invitar.

**repoti mapoti:** tapa de botella.

**mapoti:** tapa de olla.

**moxo chachiti-chiwinti:** maso para hacer tacacho.

**tatinina:** hojas secas que se caen del tallo del maní.

**ani:** grande.

**maxko:** pequeño.

**chicho:** dentro.

**jeman:** fuera.

**ichama:** pocos.

**icha:** muchos.

**ja bebon:** delante de.

**ja pekao:** detrás de.

**bemana:** cara.

**bakish ibata:** ayer

**Kirika samatabo tana:** evaluación.

**mexkao:** izquierda

**mekayao:** derecha.

**jakoankin ati:** ordenar.

**jaweti:** cuanto.

**ani:** tamaño

**mai chiniti:** estaca.

**yama:** ninguno.

**pei:** hoja.

**wetsa bakish:** pasado mañana.

**sere:** línea.

**ribojo:** dibujo/gráfico.

**raston:** grueso.

**wirish:** delgado.

**tsiniti:** jugar.

**shinaxon biti:** adivinanza

**ani pei:** papelote.

**nokon anibobo:** mis padres.

**meraya:** curandero.

**yoabo:** verduras.

**yobinbo:** frutas.

**janbires keyota:** rima.

**winoni wisha:** relato.



**Ribojamexon min jane  
wishawe.**



A horizontal rectangular box with a blue border and a white scalloped edge. Inside the box, there is a dashed line for writing.












# Yomeranon ikanwe





Jane: .....

# Yapabo pikoni

## Axeamisnin axeanoxon onanti

Axeamisnin bakebo iweai westiora yosin xobon jawekeskatax yapa pikotamein iki ixon yokati.

Bakebo yosin jain iti yoia, jawen xobo taponko iamax jiwi ota naman yakaxon ninkatai.

Yosin yoia ninkata pekao jakiribi jato axeti xobonko iweai.

Axeti xobonkonix bakebo betan yoyo iwe, yosin jaskatax yapabo pikoni yoia ninkataki, jawekeska ika.

Axeamisnin bakebo yokatai neskaakin:

- ¿Jaweki noa yosin yoia? ¿ jaweki noa yosibakeax axea?
- ¿Jawerato yapaboki jameranoax yapa icha pikota yoia?
- ¿Jawekeskaki yosin noa yoia, shinamexon non yapa koiranti?

- ¿Ramantianki jawekeska iki yapaki icha iki?
- ¿Yosinki yapa keyoresti yoia? Min shinan yoiwe.
- ¿Jawekopimein yapabo non koiranti iki?
- ¿Jawekeskataxki yapabo kaita iki?
- ¿Jaweranoboki yapabo ja?

Axeamisnin bakebo jan teeti kirika pei tsekaxon meniai itan jan sikati.

### ¿Tsoabaonki tee akinai?

Westiora yosin.


### ¿Jaweranoxonki tee akanai?

Yosin xobonko, mankoa nia namaxon.

### ¿Jawe jawekiboninki non tee akai?

Kirika pei xatebo, kirika mesko sikaya xatea iamax tonkoaka, jan taxnanti, jan xateti.

**Ribojo oinxon tee awe: jawerato chitemeran ikamein iki jainoax yapa pikotai. Yosin yoia shinanxon, ja chite raoawe. Jainxon ja yapan jisa yoiwe.**



- Baken tee akainko atibires itan atikoma nokoabo neno wishawe. Jatibi tee atinkora min neskakai.



A large, empty rectangular box with a green border, intended for a drawing or illustration.

Jane: .....



# Yapabo riki iboya

## Axeamisnin axeanoxon onanti

Bakebobetan yoyo iwe, jaskaaxon yapabaon ibo onanti kopi, mesko jawekiati yosi meniti moamabi yokaibata tsinkiwe.

Jainxon jato yokawe, matonki onana ¿tsonki yapabo koirana? non onanti kopi westiora yosi kenaxon yokanon ikanwe.

Axeamisnin bakebo yoiai netexon yosi ninkati.

Yosin yoia nikata pekao, bakebaon irake axon ja jawekiatishoko meniai.

Bakebaon jaton ninkatabo yoiai.

- ¿Jaweki noa yosin yoia? ¿Yapaboki iboya iki? ¿Jaweranoki yapabo ja? ¿Jawekeska jisamein iki, minki oina iki? ¿Jawerano? ¿Jawekeskataxki yapan ibo betan noa jakonax jati iki? ¿Jawekeska jisaki yapabaon ibo yosin yoia? ¿Maton shinanki jawekeskara iki yosin yoia bo ninkata pekao?

Yosin yoia jato shinamawe, ianman, paron, nexba, taxba ikainkobo yapabo jaa.

Axeamisnin bakebo yoiai ribojanti.

Yosin mato yoia shinaxon ribojankanwen.

Ribojanxon bakebaon yoiai, ja ribojana itan jaweki jan koirana.

Axeamisnin jan teeti kirika pei senentiain itina pei T1 tsekaxon jato meniwe.

### ¿Tsoabaonki tee akinai?

Westiora yosin.


### ¿Jaweranoxonki tee akanai?



Axeti xobonko.

### ¿Jawe jawekiboninki non tee akai?

Besteti, taxnanti, kirika kexto.

¿Jawekeska jisamein iki Ronin? ribojobo tsekaxon jakon akin tekiaxon taxnanwen. Jainxon yosin yoia shinaxon mibe axeaibo yoishokowe.





Jane: .....

# Non paromea yapabo

## Axeamisnin axeanoxon onanti

Bakebo betan yoyo iwe, non paron mesko yapabo jaa.

Bakebo shinamawe yosin jato yoibata yapabo jaskatax pikoni.

Mesko yapa ribojana jato meniwe.

Jainxon bakebo yoiwe, westiora yapa katoxon jawen jane yoiti, jawekeska jisarin, jainxon mibe axeaibo yoiwe.

Jaweratoboki jaskara jisabires iki jabo katowe jainxon taxnanwe.

Kirikainoa mesko yapabo ribojana tsekaxon jato meniwe.

Ja oina pekao yoyo iwe mibe axeaibo betan, jainxon jaskara jisabires tsinkiwe.

Axeamisnin jan teeti kirika pei senentiain itina pei T2 tsekaxon jato meniwe.

**¿Tsoabaonki tee akinai?**

Axeamisnin.


**¿Jaweranoxonki tee akanai?**

Axeti xobonko.

**¿Jawe jawekiboninki non tee akai?**

Mesko yapa kirikanin ribojana, ispia, kanchaya itan kenia.

**Jaskara jisa yapabires tsinkixon taxnanwe, ja pekao mibe axeaibo yoiwe jawekopiki min jaskaakin tsinkia.**





# iShinanwe!



Matsimeran ja ikax  
wiso chopa kexto saweya  
riki ea, pototanishoko  
bero maxkosanakon, pia  
noe kikin xeni, nami icha.

Baxkain wintia, jinan  
chibitai, join tene.

¿Tsoarin ea?

Maxkoshoko ikaxbi  
jonibaon ken, kawaxon  
xaoyabi piti.

Wakanawaitian jishti,  
senbobetani wakanawai,  
jaskatain pinoxon bikanabi.  
Koshitani ikaxmabi anibo  
xaran ikas.

¿Tsoarin ea?

# Shinanxon biti

## Axeamisnin axeanoxon onanti

Axeamisnin bakebo yoi ai shinanxon biti.

Bakebaon yoi ai ninkawe jaweratoki ja yoi ika iki.

Merayamakanaitian jato akinwe, shinanxon biti ribojobo jato meniwe.

Bakebo shinanxon biti ja rekena joi wisha yoyo axonwe, meraxon taxnanti yoiwe.

Jainxon yoyo aribawe ja rekena wisha min yoyo awana pekao ika.

Jaskaakin yoyo akin chibanwe bakebaon meraikaman.

Senentain sapan, wame, wiso koshoska, sipan ribojana oimaxon jato yokawe ¿Jawe yapaki ikamein iki?

Axeamisnin jan teeti kirika pei senentain itina pei S1 tsekaxon jato meniwe.

Wetsa shinanxon biti jato yoiwe, jainxon jatobicho tanawe.

Mesko jawekibo jato menixon shinanxon biti pikomawe.

### ¿Tsoabaonki tee akinai?

Axeamisnin.


### ¿Jaweranaxonki tee akanai?

Axeti xobonko.


### ¿Jawe jawekiboninki non tee akai?

Shinanxon biti yoi ika ribojo wetsa peinkonia tseka.

**Axeamisnin shinanxon biti yoyo aka ninkaxon, wetsa kirikainoa ja ribojo tsekaxon jakon akin tekiawe jaskaaxon taxnanwe ja yoi ikainko.**







Jane: .....

# Santen mishkiti iki tsiniti

## Axeamisnin axeanoxon onanti

Axeamisnin jato yoiai ja tee akanai.  
Santen mishkiti iki tsininon ikanwe.  
Paranshoko santen mishkiti ikanai, chepa  
retexon bakebaon pinexkin nexai jan santen  
mishkiti.

Axeamisnin jaskati tsiniti jato yoia chibani  
ikanai, jaskaakin santen kenati jato yoia  
ninkaxon mawakanai.

“Santen bero chanka, chanka chanka irai bii”  
akin. Jatianra ikai santen joi, chepa mishkitinin  
ika santenman xeatoshiketian mishkiti wex  
ariwe. Jaskati tsinikin oinwe jaweti santenki  
min bia jainxon pishan napowe.

Axeamisnin bakebo yokatai.

Tsini jeneta pekao jaskati tsinikana yoikanai:

- ¿Jaweranoki min santen bixon napota?  
¿Jawekeskakinmein santen kenati iki?  
¿Jawe ikiai santen mishkitinin bia?  
¿Tsonki biana jawekopi?

Westiorabaon yoiai jaskati tsinikana.

Mishkixon jain napokana wetsabaon yoiai,  
pishaoma ixon jawerano napota. Yoiwe.

Axeamisnin jan teeti kirika pei senentiain itina  
pei T3 tsekaxon jato meniwe.

**¿Tsoabaonki tee akanai?**

Axeamisnin.


**¿Jaweranoxonki tee akanai?**

Axeti xobonko.


**¿Jawe jawekiboninki non tee akai?**

Pisha, chepa, mishkiti taxo itan yoman.

**Santen ribojana bixon tsekaxon taxnanwe pisha chicho, jainxon mibe axeaibo yoiwe  
jaweranoki min taxnana.**



- Tsekati: desprender o separar la imagen de la hoja adicional.





# Yapa kawati

## Axeamisnin axeanoxon onanti

Westiora tita axeti xobonko kenawe yapa kawati bakebo axeanon.

Titan bakebo yoiai jaskaaxon yapa kawati: “Nato riki yapa mani pein iamaxon paranta pein kawa”.

Neskaxon ati riki yapa kawakin.

1. Yapa raras axon sereai.
2. Piti noe atibo xateai, bata yochi, axe.
3. Yapa sere axon tashi rapotai.
4. Manipei bixon chiikan pepoi.
5. Yapa pein rakantanannoe atibo akai, jaskaaxon nishin nexai.
6. Chii xena wasanxon yamixoitinin axon xoiyai, meshonaketian ranbeai jakon waati kopi”.

Titan jaskaakin chibanti yoia ninkaxon akinkanai, jaskaakin kawa pitibo jato yoiai.

Axeamisnin bakebo yokatai.

¿Kawa nexamabiki jawepari atiki iki? ¿Nexaa pekaoki jawe akanai?

Axeamisnin jan teeti kirika pei senentiain itina pei S1 tsekaxon jato meniwe.

**¿Tsoabaonki tee akinai?**

Westiora titan.


**¿Jaweranaxonki tee akanai?**

Axeti xobo.

**¿Jawe jawekiboninki non tee akai?**

Besteti, jan taxnanti.

**Titan yoia shinanxon nato ainbo akinwe, ¿yapa kawaxon nishin nexamatianbiki jawepari akanai? ¿Moa nexa pekaoki jawe ati iki? Ribojo tsekaxon ja itinkobo taxnanwe.**





Jane: .....

# Mechokiti

## Axeamisnin axeanoxon onanti

Axeamisnin nato tee anoxon moamabi jawekiati axeti xobonko beti yoi ai.

- Axeamisnin, titan joshin iamax bakebaon jawekiati bea metexaikaman bakebo yoi ai: non jawekiati jakon ati.
- Axeamisnin bakebo yokatai non mekenki jawekeska iki, teeta pekao, noaki jawe iti iki pinox, mechokixonmabi piaxki noa jawe iti iki. Jainoax jawe ikaxboki noa mechokitiki.

Axeamisnin bakebo yoi ai mesko jawekibo akax mechokiti pinox, pia pekao, poitana pekao, tee seneax itan wetsa jawekibo akaxboribi.

Jan teeti kirika jato meniwe.

¿Tsoabaonki tee akinai?

Westiora tita betan.


¿Jaweranaxonki tee akanai?



Axeti xobonko.

¿Jawe jawekiboninki non tee akai?

Jan sikatibo.

¿Jaweki winokanai nato bakebo? Mechokixonmabi piaxki noa jawe ikai ja toroaxon sikawe, jainxon mibe axeaibobetan yoyo iwe.





Jane: .....



# Bakebaon pitima yapabo

## Axeamisnin axeanoxon onanti

Yoxainba merawe.

Bakebaon tapon yakaxon ninkatai.

Yoxanman bakebo yoiai, jawerato yapaboki bake ainbonin pitima iki.

Boo raonxon pitima make itan tsisman, iki pitima janronki xetaya ixon boo xateai, bawin jina pitima keneai meski, meski inaketian.

Jatian benbo bakenbiribi pitima iki: momo, yapan ewa jina pitima akonaketian, ipo tabi pitima wai maxko atin kenanaketian, ipo jina pitima nontin ishtomati, non winabi ishton kayamai, ipo mapo pitima yosixmabi mapo itsa inaketian.

- ¿Yoitimaxon piaxki aniax noa jawekeska iti iki? ¿Jawekopiki jakoma iki nato yapabo piresti?

Westiora bakebaon yoia ja yapa pitima itan jawen jane yoiai.

Westiora bakebo yokawe.

¿Jawerato yapaboreski piti ja bake ainbonin iamax bake benbon?

Axeamisnin jan teeti kirika pei senentiain itina pei T3 tsekaxon jato meniwe.

**¿Tsoabaonki tee akinai?**

Yoxaman.


**¿Jaweranoxonki tee akanai?**


Yoxaman xobonko.

**¿Jawe jawekiboninki non tee akai?**

Jan wishati, kirika pei.

**¿Jawe akiki ikanai nato ribojo ikain? ¿Jaweki noa winoti iki nato yapa piax? Bakebo ribojana bixon ja itinkobo taxnanwe.**





Jane: .....

# Non jemanxon jaskaakin yomeratibo

## Axeamisnin axeanoxon onanti

Axeamis bakebo betan yoyo ikai non jemanxon jaskaakin yomeratiboki.

Jainxon wetsa axeya jonibaon jaskaakin yomerakanaibo ribojomeran jato oinmai.

Bakebo yokawe.

- ¿Jatixonbiki jaskaakinbires yapa yomerakanai?
- ¿Non jemanxonki jawekeskaakin yomerakanai?
- ¿Wetsa paron ja jonibaonki jawekeskaxon yomerai?

Bakebaon shinan ninkawe.

Jawen papan jaskaaxon yomerai onanxon yoia ninkatai jabe axeaibaon.

Axeamisnin jan teeti kirika pei senentiain itina pei S2 tsekaxon jato meniwe.

**¿Tsoabaonki tee akinai?**

Axeamisnin.


**¿Jaweranaxonki tee akanai?**

Axeti xobonko.

**¿Jawe jawekiboninki non tee akai?**

Rapis.

**Ribojo tsekaxon taxnanwe min jema ratankin, jainxon westiora serekan biananamawe. Jainxon min jemanxon jaskaakin yomerai ribojanxon sikawe.**





Jane: .....



# Paro koiranti

## Axeamisnin axeanoxon onanti

Westiora papaiba iwexon bakebo ninkakinwe.  
Non paro jaskara winotai.

Jakiribi axeti xobonko iwexon bakebo yokawe.

- ¿Jaweki noa papan yoia?
- ¿Jaweranoki winotai jaskara jawekibo?
- ¿Non paronbichomein jaskara winotai?
- ¿Non paro jeneki rama jawekeska iki, jaweki winotai?
- ¿Yapaboki ichapari ja?
- ¿Yapabomein onsanmeran iki?  
¿Jawekopi?

Non paron weixon nawabaon rikanki yapa keyoai, jete jawekinin yomerakin.

Non paro jene keras akai jawekibo iki, pisha, rato, botiria itan wetsa jawekiboribi.

Toxbatai jawekibo ikax ishton payoyamai.

Jawekeskaki winotai ixon onanoxon tanakanai. Axeamisnin yoia ninkaxon tee akanai.

Bakebo yoiwe pisha, oranshi, mesko xaka jawekibo. Payokiai ixon minti.

Westiora simana winota peako jato oinmawe.  
Bakebaon shinan yoia ninkawe.

Ja yoikanaibo wishawe.

Westiorabo yoyo imawe, jawerato jawekiboki ika kikin basi payotaibo.

Janepakenon yoiwe.

Jabe bakebo yoinon yoiwe.

¿Non parobo keras itima kopiki non jawe atiki? Non axeti xobo keras imatima kopiki non jawe atiki. Bakebaon yoiaibo westiora kirikain wishawe.

Kirika pei jato meniwe.

### ¿Tsoabaonki tee akinai?

Westiora papan.


### ¿Jaweranoxonki tee akanai?

Papan xobonko.

### ¿Jawe jawekiboninki non tee akai?

Pisha, botiria xaka, ishton payoyamai rato, jan xeati akanaibo, machito.

**¿Jawe akiki ikanai? ¿Jaweki min atiki non paro kerasma iti kopi? Ja ribojores kirika tonkoaxon raoawe ja ribojo katemakin.**





Jane: .....

# Kirika samatabo tana

## Axeamisnin axeanoxon onanti

Bakebo betan yoyo iwe, nato oxe kirika aki ja axekanabo yoikanti kopi.

Jainxon bakebo meniwe jaton tee akabo.

Ja pekao bakebo yokawe:

- ¿Mesko jaweki axenoxonki non jawebo aka? ¿Tson xobonki noa meraibata? ¿Tsoaboki non axeti xobonko joibata? ¿Jawe akimein axeti xobonko joibake, yoxan, papa, tita, jema koshi? Yoita.
- ¿Jawerato teeki min kenshaman ika? ¿Jaweranoboki noa kaibata mesko jawekibo axenoxon jato yokati?
- ¿Tsoabetanki min teebo akai? ¿Tsonki mia akinai?
- ¿Jaweboki mia axea nato oxe?
- ¿Jaweboribiki mia axekasai?

Shinanxon yoiwe.

Jan teeti kirika pei tsekaxon jato meniwe.

Ribojana pekao jabe axeaibo yoiai ja tee aka.

### ¿Tsoabaonki tee akinai?

Axeamisnin.


### ¿Jaweranoxonki tee akanai?

Axeti xobonko.

### ¿Jawe jawekiboninki non tee akai?

Jan tee ati kirika.

¿Jawerato tee mia axeaki min kenshaman ika? Ribojanwe.











**Wai ati itan banati**



1. Kirika wishameran yoabo bikani axeamisnin yoyo aka ninkataki, isakan tsoa yoyo atoshia iki, ashta awe.



2. Kirika wishameranki jawekeskaxon isakan paranta itan atsa jawekiai yoi. Ja ribojo bixon taxnanwe. Jaweribiki non akai ixon ribojanwe.



A large empty rectangular box with an orange border, intended for a drawing or illustration.

Jane: .....

# Jaskaaxon shipibo jonibaon yoa bikani

## Axeamisnin axeanoxon onanti

Axeamisnin bakebo betan kirika wisha “Yoabo bikani” Yoyo akai.

Jakiribi jato yoyo axonwe.

- ¿Jawekeskatax yoa pikotaki yoia?,  
¿jawekeskaaxon yoa pitiki yoia?

- ¿Jawerato yoaboki isakan noa banati onama iki?

Bakebaon tsininan mawakanai wishameran yoia keskati.

### YOABO BIKANI

Jonibenatianronki yoa yama ikai iki. Jaskara itainbironki westiora yamekiri mashi isashoko keota iki, rishkon, rishkon ikirani joa iki, yoxanshokon akai, jawe aki teresiki mia itai! Joni mia ipainon noa yoa bexoni joax iitima, jawekiakasi noa itainbi aka iki. Jaskaaki isa manishmeran keyokaina iki. Kawana basironki ikai joni manxantanishoko jiwi nenkematani maxen sereaka tsomaya joi, joxon yoxan akai jawe akiki mia itai akin, ikama jawekiakasainbi isakan jatsan areza iiti akin. Jaskaki akai eara iwanke akin, ratekainxon eri miakayaki iwana akai, jainxon yoxan yokatai, ¿matoki jawekiatinin ikai?, rama ea neno rishkiwe akai, jawen witaxain yoikin jaskaaki, rishkikin tax aritaronki ikai jawen yorameax paranta ririki iboani. Jainxon jaskaaxon jawekiati axeai, paranta joshin riki xeati ati, xoixon itan joaxon piti, jatian xoo xakixon pororokaxon xeati, xoixon, mispan axon itan jan yapa betenxon jawekiati.

Jainxon yoxaman yokatai jaweranoaki non bananonxon bitiki, mia bakish bexonbanon akai, netexabaketian yamekirishoko joni pisha papiya joxon yasantoshita iki. Jainxon jato yoia iki nato riki maton ja banati akin, jain ika iki paranta tako maxxoshoko, ja patax ika iki atsa taxo, xeki rabe bero. Ochochabo banati jato yoiai, paranta banakin janbiribi ati. Jainxon jato yoia bakish oinonxikanwe akin, ja netexabaketian oinkanaki ika iki, paranta jakoinrabo charoakebaina, xeki botoetaishamanbo, atsa tapon mai toxa toxakebaina, jaskaatax yoayanironki iki noa.

**Axeamisnin winota yoia ninkata pekao, mia yokatabo yoiwe, jawe yoi ikaki min ninkata. Jainxon ribojanwe.**





Jane: .....



# Yoa bana pekao ati

## Axeamisnin axeanoxon onanti

Bakebaon onana jawekibo yokawe neskaakin:

- Non titabaonki yoabo bana pekao jawe akai jakoni biminon ixon.
- Japekao shinankanai, yoxan yokati kanoxon.
- Yoxaman bakebo yoia ninkatai. Yoa banakin riki arestima. Rekenpari oxe chiraka itan minkoa ointi iki. Jainxon yokati iki, jatio ani ea imaxonwe akin. Neskaakin ” Miatio anishaman nokon banabaon bimi ea imaxonwen”, akin.
- Yoxaman jakiribi mawai bakebaon kechibanon ixon, ja pekao jatobicho ikanai.

Yoikin seneanketian bakebaon yoxan yokatai.

¿Tson mia axearin? ¿Jawekeskaxonki min onana oxen non yoyo aka ninkatai? ¿Min tanarin?

¿Ramakamanbiki yoabo banaxon areskanai oxe yokakin?

Axeti xobonko joxon axeamisnin bakebo tsinkixon yokatai ja ninkatabo yoiti.

Jainoaxribi yoyo ikanai non raoboribi iki iboya ixon yoikanai, jakopi iki rao bikin rekenpari jawen ibo yokatai.

Jan teeti kirika bakebo meniwe.

Yoxamanki jawekeskaakin oxe yokaatai yoabo banaxon.

Bakebaon santira anishaman inon ixon jaskaakin yokati wishai.

**¿Tsoabaonki tee akinai?**

Yoxaman.


**¿Jaweranoxonki tee akanai?**

Yoxaman xobonko.

**¿Jawe jawekiboninki non tee akai?**

Jan sikati, kirika pei, taxnanti.

**Ribojo oinxon, jawekeskaakin yoa banabo ani inon ixon yokati iki wishawe.**













**1**

**2**

**3**

**4**

Jane: .....



# Wai ati onanti

## Axeamisnin axeanoxon onanti

Bakebobetan yoyo iwe papaiba iwenoxon jaskakin wai ati yokati.

Jiwi ota naman iwexon papan jato yoiai jaskakin wai ati.

Axeti xobonko joxon axeamisnin bakebo tsinkixon yokatai ja ninkatabo yoiti.

Axeamisnin bakebo mesko yokabo akai.

- ¿Jaweki mia yosin yoia?
- ¿Wai akinki rekempari jawe akanai?
- ¿Min aniboboki waiya iki?
- ¿Jaweboki ja wainkobo banakanai?

Bakebo tsinimai jaskakin wai ati ikin.

Jan teeti kirika bakebo meniwe.

Papan yoia shinanxon jaskakin wai ati jabe axeaibo yoiai.

**¿Tsonki tee akinai?**

Westiora papan.


**¿Jaweranaxonki tee akanai?**




Papan xobonko.

**¿Jawe jawekiboninki non tee akai?**

Jan sikati, kirika pei, taxnanti.

**Papan yoia shinanxon tee awe. Jaskaakin wai anoxon ja teebo ati ribojana xatexon jakon akin joyonkin taxnanwe. Jainxon mibe axeaibo yoibe jaskaakin wai ati.**





Jane: .....

# Bananoxon berobo katota

## Axeamisnin axeanoxon onanti

Axeamisnin axeti xobonko ja banati berobo boxon bakebo oinmai.

Axeamisnin bakebo yokatai jawe beroborin ixon janepaketi.

Axeamisnin yokatai mesko banati berobo.

Bakebaon katotai ja banati berobo.

Axeamisnin bakebo tsamabo axon meniai banati berobo jakon itan jakoma.

Westiora bakebo wenitai banati berobo katoti.

Axeamisnin jan teeti kirika pei senentain itina pei S1 tsekaxon jato meniwe.

- ¿Tsoabaonki tee akinai?

Non jemanxon banati berobo, tama, xeki, atsa, poroto, chikiraya, poa, choin.

### ¿Tsonki tee akinai?

Axeamisnin.


### ¿Jaweranaxonki tee akanai?

Axeti xobonko.

### ¿Jawe jawekiboninki non tee akai?

Masen, chikiraya, xeki, poroto bero.

**Mesko berobo ribojana tsekaxon taxnawe, jaweratoboki ja jisa berobires iki katoxon masen ikainko awe.**





Jane: .....



# Jan wai atibo

## Axeamisnin axeanoxon onanti

Axeamisnin bakebo jan teeti jawekibo oinmai: Bakebo meniwe mesko jaweki min ribojanxon bea ani, anitama, maxko.

Nato jawekibo machito, manish potati, jiwi jan mai kini ati, jan mai chiniti, tasa ¿Jawe jawekiboninki non tee akai?,

Bakebaon yoiai jawetio aniborin ixon, janki non jawe akai, jaweratoki jawen papan jan tee akai iki.

Bakebaon mawai jan teeti jawekibaon jaskati jan teeti.

Machito moxo akatonin bakebo tsiniai.

Axeamisnin jawetio aniborin ixon yokatai.

Axeamisnin jan teeti kirika pei senentiain itina pei T4 tsekaxon jato meniwe.

### ¿Tsonki tee akinaí?

Axeamisnin.


### ¿Jaweranaxonki tee akanai?

Axetixobomeran iamax jeman.

### ¿Jawe jawekiboninki non tee akai?

Kimisha machito ani, animacha itan maxko.

Papa betan jawen bake jan mai kiniati jabe senen oinxon, meniwe.





Jane: \_\_\_\_\_

# Axeti xobon wai axonki minkaaka

## Axeamisnin axeanoxon onanti

Bakebo betan yoyo iwe:

Axeamisnin yoiai ja tee akanai.

Jainxon jato eseai neskaakin: non rekenbora ikatai, akinmisbo, yomeraibo, rayabo, pitin kenataibo (chaniti), jakon shinarya jonibo.

Jainxon bakebo yokawe neskaakin:

- ¿Tsoabaonki jaton papa akinai xobonkoxon?
- ¿Axeti xobon tee akanaitianki maton akinai, jawekeskaaxon?

Axeamisnin papabo itan titabo kenai, bakebo wai akinti.

Jain wai ati onantiainko jato xaba akinkanai.

Axeamisnin bakebo yoiai ja tee ati, papabaon wai xaba akaitian.

Japekao papabo tantiai.

Bakebaon papabo xeamai.

Axeti xobonko joxon yoikanai kaskaakin wai atinko akinkana itan ja oinkanaboribi.


Axeti xobonkoxon yoikanai jawekopimein jakon iki tsinkixon tee ati. Jawe teboribiki tsinkixon shipibobaon akai.

¿Jawekeskaaki maton shinanai non papabo tee akinkin?


Bakebaon yoiai mesko tee tsinkixon akanaibo.


Jan teeti kikika jato meniwe.

**Jawe teeboki min jato akina ribojanwe. Jainxon jakonmein iki non jato tee akinti, yoiwe.**





| Xeki bero   | Ja nete 1 | Ja nete 2 | Ja nete 3 | Ja nete 4 | Ja nete 5 |
|---|-----------|-----------|-----------|-----------|-----------|
|  |           |           |           |           |           |

| Chikiraya bero  | Ja nete 1 | Ja nete 2 | Ja nete 3 | Ja nete 4 | Ja nete 5 |
|---|-----------|-----------|-----------|-----------|-----------|
|  |           |           |           |           |           |

Jane: .....



# Xeki bananoxon pachiaki jawekeskatai

## Axeamisnin axeanoxon onanti

Yoxan axeti xobonko kenawe, bakebo xeki bananoxon pachiaki jawekeskatai ixon onanti.

Yoxaman yoia ninkata pekao bakebo yokatai.

- ¿Jaweki yoxaman noa yoia?

Jawekeskakiai xeki bero pachia.

Bakebaon tanakin pachiai.

Axeamisnin bakebo yokatai.

- ¿Jawe imeyain non xeki bero pachia?

Axeamisnin netexabaketian xeki bero pachibata papabaon wai axoinbatainko bakebo banakinai. Jaskaribiakin chikiraya beroribi.

Xeki itan chikiraya bero xoxoai oinwe, jawekeskaakiai maichi chicho, ¿jawetio basimein xoxoai?

Bakebaon netetibi oinai jawe ikiai ixon, jainxon jato yoimai.

Axeti xobonkoxon shinankanai yoxaman yoia.

Jan teeti kirika meniainko jaskati bero netetibi banaibata xoxoai ribojan ribojanbainwe.

Westiora simana pekaoki jawekeska iki ja xeki bero min banaibata.

### ¿Tsoabaonki tee akinai?

Yoxaman.


### ¿Jaweranonxonki tee akanai?

Axeti xobonko.

### ¿Jawe jawekiboninki non tee akai?

Xeki bero, tama, chikiraya, jan wishati, jan sikati.

**Yoxaman jaskaakin xeki bananoxon pachiti axeaka, shinanxon oinwe, jawekeskaki xeki bero pachixon bana itan chikiraya bero ikainai nete winotaitibi, ja ribojanwe. Jainxon yoiwe jawe beropariki xoxoa ixon.**





Santira bana  
bimiaitian riki  
bari xana ikenbi  
shitatima.  
Non jain  
jamatainronki ikai  
siwatax jawen bimi  
aniamai,  
payoti itan jawen  
peiboboribi choshiai.

Jane: \_\_\_\_\_

# Santira banax meketi

## Axeamisnin axeanoxon onanti

Axeamisnin santira banaxon atima wisha, kirikainoa tsekaxon bakebo meniai, jainxon jato yokabo akai:

- ¿Jaweki nato ribojoin min oinai?
- ¿Jawe yoi ikamein iki nato wisha?

Axeamisnin bakebo yoyo axonai, jatian bakebaon onanai jawe yoiki ikai nato wisha ikain.

- Bakeboan yoia ninkawe.
- ¿Jawekopi santira banax meketi iki?
- ¿Santira banax mekeyamaki jawe winotai santira bana?
- ¿Jawerato jawekiboribiki ja atimabo iki?

Jan teeti kirika pei tsekaxon jato meniwe.

### ¿Tsoabaonki tee akinai?

Axeamisnin.


### ¿Jaweranaxonki tee akanai?

Axeti xobonko.

### ¿Jawe jawekiboninki non tee akai?

Jan teeti kirika pei.

**Santira banaxon ja atimabo ika wisha oinxon axeamisnin akinaton yoyo awe.**




- Siwata: planta que está marchitado





Ribojobo oinxon yoiwe, ¿tsoamein iki ja bake joshin chopaya patax itina? Ashtawe.

Ribojobo oinxon yoiwe, ¿tsoamein iki ja bake paranta pei jisa chopaya patax itina? Torokan xepowe.



Jane: .....



# Axo poyan iki tsiniti

## Axeamisnin axeanoxon onanti

Axeamisnin bakebo yoiai jaskati tsiniti.

Bakebo tsiniai “Axo ponyan iki”

Westiora bake ainbo iamax benbo janekanai jan jato tsinikinti.

Metsonananax torokanketian jato yoka, yokabainai jawe jane jiwirin min poyan akin.

Bakebaon yoiai: axo, ana, wishtininti, kononbi jiwiri poyan itan pocha, bakebo kikin koshin metsonananti jake. Nato tsiniti iki moatianbi raenanani tanakanai axo poyan iki kikin koshi yoi ika.

Seneaxon jaskati tsininkana yoikanai.

Jain yakata itan japekao yakata iwana yoikanai:

¿Jawekeskati tsinitiki ika? ¿Jawe jane jiwiri poyanki mia ika?

¿Tsoabo pataxki mia tsinia? tsoabaon napoankaki mia tsinia?

Jatobicho kimisha, kimishabo tsinkitax tsini tanakanai.

Westirabaon yoiai tsoaki ika jawen mekayao poyaonri itan mexkao.

Jan teeti kiriki pei tsekaxon jato meniwe.


### ¿Tsoabaonki tee akinai?

Axeamisnin.

### ¿Jaweranoxonki tee akanai?

Jeman pikotax.

**Jawekeskati mia tsinia shinanwe, tsoaboki mipatax tsinikana, yokabo aka chibankin tee awe.**





Jane: .....

# Kirika samatabo tana

## Axeamisnin axeanoxon onanti

Bakebo betan yoyo iwe, nato oxe kirika aki ja axekanabo yoikanti kopi.

Jainxon bakebo meniwe jaton tee akabo.

Ja pekao bakebo yokawe:

- ¿Mesko jaweki axenoxonki non jawebo aka? ¿Tson xobonki noa meraibata? ¿Tsoaboki non axeti xobonko joibata? ¿Jawe akimein axeti xobonko joibake, yoxan, papa, tita, jema koshi? Yoita.
- ¿Jawerato teeki min kenshaman ika? ¿Jaweranoboki noa kaibata mesko jawekibo axenoxon jato yokati?
- ¿Tsoabetanki min teebo akai? ¿Tsonki mia akinai?
- ¿Jaweboki mia axea nato oxe?
- ¿Jaweboribiki mia axekasai?

Shinanxon yoiwe.

Jan teeti kirika pei tsekaxon jato meniwe.

Ribojana pekao jabe axeaibo yoiai ja tee aka.

### ¿Tsoabaonki tee akinai?

Axeamisnin.


### ¿Jaweranoxonki tee akanai?

Axeti xobonko.

### ¿Jawe jawekiboninki non tee akai?

Jan tee ati kirika.

¿Jawerato tee mia axeaki min kenshaman ika? Ribojanwe.















**Xobo ati**



Jane:





Jane: .....



# Xobo ati

## Axeamisnin axeanoxon onanti

Axeamisnin bakebo westiora papaiba merakin boai jaskaaxon xobo ati yokanoxon.

Rekenpari papan jato yoiai neskaakin, yamaronkiake westiora oxen jatianbicho xobo ati ika, ikaxbi yoiai jene beaitian iki atima, oi bei moa pekotai kopi.

Jankeanxonra koin ayamakanai, ikaxbira akanai kimisha nete iamax rabe simana potabainax iti joxonparira xobo chipan bixon senpaya koin akin, ja yamaketian nakax, matsi iken xana akin matsii niwe koiman potanon ixon, yoshin ishtomanoxon, jaskayamabi nonbi iamax baken niwe bitiki.

Jainxon jato yoiai jaskaakin xobo ati, jatibi bionxon xobo ati, pei, jawen kano, nishi, moa yomera akinkana jato jawekiankinti.

Axeti xobonko joxon, bakebaon yoiai papan jato axeaka.

Jainxon bakebo yoawe tsamatax joni iti, japekao yoikanai jaskati ikana.

Senean pekao yoyo ikanai xobo ati axekana.

¿Jawekeskaxonki xobo ati iki?

Westiora bakebo jan teeti kirika meniwe.

¿Tsoabaonki tee akinai?

Papan.

¿Jaweranaxonki tee akanai?

Westiora papan xobon.

¿Jawe jawekiboninki non tee akai?

Jan wishati, jan sikati, kirika pei.

**Xobo jaskaakin ati onanxon, ribojo xatewe. Jainxon wetsa kirikain teki axon ja ribojo maxkatainbo taxnawe. Ja pekao, mibe axeaibo yoawe jawekeskakin xobo atirin.**





Bariaitian peibo wetsaresbi ikai

Ja nete 1

Ja nete 2

Ja nete 3

Ja nete 4

Ja nete 5

Pastoki jawekeska iwana.

Pastoki jawekeska baneta.



# Xebon pei petsosti

## Axeamisnin axeanoxon onanti

Axeamisnin yokatai, bakebo matonki onanna jawekeskatin xebon pei xobo anoxon.

Bakebaon yoiai.

Rekena neten akai.

- Axeamisnin wishai jatibi bakebaon yoiaibo.

Rabe neten itin.

- Bakebaon shinan akai nonra onankasai nenoax ori nato peibo.
- Westiora yosin kantsin iamax xebon pei petsosai bakebaon oinai.
- Jaskaakin bariantiboribi onankanai.

Jaweti nete winomaxon.

- Papan pei ranbeai oinkakanai.
- Jawekeskaki baneta non yoibatakeska iamax wetsaresibiki pikota.

Yoikanai jaskaakin akanabo.

Wetsa neten.

- ¿Xebon peiki moa choshiax jawekeskara jisa iki?

Netetibi winotaibo ribojo tsekaxon barín aka jaskara jisa iikainaibo taxnanwe.

Axeamisnin jan teeti kirika pei senentiain itina pei T4 tsekaxon jato meniwe.

**¿Tsoabaonki tee akinai?**

Yosin.

**¿Jaweranoxonki tee akanai?**


Yosin xobonko.

**¿Jawe jawekiboninki non tee akai?**

Xebon pei, kantsin.

**Xebon pei xobo anoxon jaskaakin choshi ati onanxon, papan bariankaki oribo jawekeskara jisa pikotai, ribojo bixon taxnan taxnanbainwe. ¿Jawekeska jisaki xobi ibata? ¿Moa ranbea pekaoki xobi jawekeska baneta?, ribojanwe.**







# Xobo kano ati jiwibo

## Axeamisnin axeanoxon onanti

Bakebo jeman pikokinwe jainxon jato tsinikinwe “**Xena niaikeskati**”.

Axeamisnin bakebo yoiai ja chibani teeti.

Axeti xobonko jakiribi jato jikikinwe.

Axeamisnin bakebo yokatai, matonki onanna xobo ati kanobo.

Bakebaon yoiai jaton onana shinanbo.

Bakebaon yoiai jaton xobonko itan jaton rarebobaon xobonko jiwi kano oinkanabo.

Ani, maxkocha itan maxkoshoko jiwibo oinkana.

Bakebaon yoiai, mesko jiwi, ani, maxko, maxkoshoko.

Bakebo tsiniai.

Axeamisnin kimisha tsama imaxon mesko jiwibo jato meniai. Jainxon jato yokatai jawetio aniborin.

Axeamisnin yokatai katoti jiwi ani, maxko. Senenkana pekao yoikanai jaskaakin jiwi katokanabo.

Axeti xobonkonina mesko jawekiboribi jato oinmaxon katomawe ani itan maxko.

Jan teeti kirika jato meniwe.

### ¿Tsoabaonki tee akinai?

Axeamisnin.

### ¿Jaweraxonki tee akanai?

Axeti xobonko.

### ¿Jawe jawekiboninki non tee akai?

Mesko ani, maxko jawekibo, jainxon niimea jawekiboribi.

¿Jawe akimein ikanai nato jonibo? Xobo wita itan xobo kano ja naman ribojanwe. Jainxon jawekeskara jisarin yoiwe.





1



2




3



4



5



6



# Paranta pei pirota ati

## Axeamisnin axeanoxon onanti

Axeamis bakebo betan yoyo ikai, jainxon jato yoiai ja tee akanai.

Axeamisnin bakebo jan teeti kirika pei meniai. Yokabo akai.

- ¿Jawe yoimein ikai nato kirikain?
- ¿Jaweki non atiki?

Jan tee ati bexon tsamanxon oinmawe.

Jaskaakin ati yoia:

- Paranta pei choshi icha tsinkiwe.
- Paranta pei choshi tsinkia icha biwe min pirota ati.
- Paranta pei choshi moa tonkoaxon jawen nishin kikin koshin nexawe.
- Seneanka pekao mibe axeaibo betan tsiniwe.

Axeamisnin kirika yoyo axona chibankin tee awe.

Westiora bakebaon yoiai jaskaaxon pirota aka.

### ¿Tsoabaonki tee akinai?

Axeamisnin.


### ¿Jaweranoki tee akanai?

Axeti xobonko.

### ¿Jawe jawekiboninki non tee akai?

Paranta pei choshi, paranta nishi.

**Axeamisnin jaskaakin paranta pei pirota ati yoyo akai ninkaxon ja chibankin awe.**







Empty rectangular box for writing.

Empty rectangular box for writing.

Empty rectangular box for writing.

Empty rectangular box for writing.

Jane: .....

# Mesko jisa xobo

## Axeamisnin axeanoxon onanti

Axeamisnin axeti xobonko kirika katomeran napoxon mesko jisa xobo ribojanxon xateabo beai.

Kimisha tsama axon meniwe.

Jawekeska jisa xoboki pikota tekiakana.

Westiora tsmabaon yoiai.

Yokabo awe:

- ¿Jaskara jisabireski ika?
- ¿Jawekeska jisaborin?
- ¿Ja kirika xateaboki jawekeska xatebo iki?

Ja tee akana taxnankanai

- ¿Jawekeska jisa xoboki non onana ribojobo taxnanxon?

Axeamisnin ani kirikain xobo ribojanxon, jawe beporoai jiwín katekin taxnanai, jawe xobo xepotainribi. Jaskaribiakin xobo chikeribi axon axeti xobonko bexon bakebo oimai.

**Ribojobo oinxon. Wetsa kirikainoa xobo ribojana tsekaxon ja jisabires katoxon taxnanwe. Jainxon yoiwe jawekeska xoborin icha itan ichama.**

Yokabo yoiwe.

- ¿Xobo chipanmein jaweskaka iki?
- ¿Beporomein jawekeska iki?
- ¿Xepotimein jawekeskara iki?
- ¿Jatibi xoboki jaskara jisabires iki?
- ¿Jawekeska jisarin jain tsinkiti xobo?

Axetti xobonkonía mesko jawekibo menixon ja jisabires katomai iki tsinimaxon, topomawe jawetirin icha itan ichama.

Axeamisnin jan teeti kirika pei senentiain itina pei T5 tsekaxon jato meniwe.

**¿Tsoabaonki tee akinai?**


Axeamisnin.

**Jaweranonxonki tee akanai.**

Axeti xobonko.

**¿Jawe jawekiboninki non tee akai?**

Kirika pei, jan wishati.





Jane: .....

# Nokon jema

## Axeamisnin axeanoxon onanti

Axeamisnin bakebo jema natankin oinki iweai. Axeamisnin bakebo jema jayata jawekibo oimaxon yoka yokabainai.

- ¿Jaweranomein iki non axetixobo?
- ¿Jaweranomein iki paro?
- ¿Jawe pataxmein iki jainoax tonkon tsiniti?
- ¿Jaweboki axeti xobo patax iki?
- ¿Jaweboki axetixobo ocho iki?

Axeti xobonko joxon shoko, tantia pekao, axeamisnin shinamai jawekeska jisaki ika non jema ika.

Axeamisnin axeti xobonkonია jawekibo oinmaxon bakebo tsinimai, jawekibo jatio ocho rakani iki, bakebaon yoiai ninkawe.

- ¿Jawetio ochoki min tsamana min jawekibo?

Axeamisnin yoiai jaskaaxon tee ati.

Ribojo oimaxon bakebo yoimawe jawekeskara jisa jemarin, ja pekao wetsa kirikain. Ribojo tsekaxon min jema jisaakin taxnanti.

Bakebaon yoiai ja akana.

Axeamisnin bakebo oinmai westiora baken tee aka.

- ¿Jawe teeki non aka? ¿Jaweranoki noa katana? ¿Jawetio ochorin non axeti xobo? ¿Jawetio ochorin min xobo? ¿Jaweborin axeti xobo ochoma? ¿Jawe jawekiborin min axeti xobo patax?

Axeamisnin jan teeti kirika pei senentiain itina pei K1 tsekaxon jato meniwe.


### ¿Jaweranoxonki tee akanai?

Axeti xobonko.

### ¿Jawe jawekiboninki non tee akai?

Jan taxnanti, raris, kirika pei, wetsa jawekiboribi.

**Ribojo oinxon yoiwe ¿Jawekeskara jisa jemarin? Kirika kexto senentiain ika tsekaxon jain ja ribojo bixon taxnanwe. Min jema jisaakin awe, mesko jawekibo bixon min kena keskaakin rao awe, jainxon jato yoiwe.**







Jane: .....

# Nokon xobo

## Axeamisnin axeanoxon onanti

Axeamisnin bakebo jeman pikokinxon tsinikinai, jaskati iti yoia chibani tsinikanai.

Kimisha bakebo biananankanai, rabe bake mekeman yatananaxon westiora xobo pikokani, jatian wetsabiri ikai ja xobo ibo ikax jato napon iki. Jawetianki axeamisnin yoiai jatibi xobobora taxketai jatianra xobo ikares taxkexon ja bake xoboma itinain ikai.

Axeamisnin bakebo axeti xobo meran iwexon jato yokatai:

- ¿Jawekeska jisarin min xobo?
- ¿Tson akarin? ¿Chikeyarin?  
¿Tapoyarin?
- ¿Tsoabobetan mia jaarin?

Westiora bakebo pikoxon yoimai jawekeskara jisarin jawen xobo.

Jan teeti kirika meniwe.

Min xoboki jawekeskara iki ribojanwe.

### **Tsoabaonki tee akinai?**

Axeamisnin.


### **¿Jaweranaxonki tee akanai?**

Axeti xobonko.

### **¿Jawe jawekiboninki non tee akai?**

Rapis.

**Jawekeskara jisarin min xobo ribojanxon sikawe, jainxon jato yoiwe.**



# Janbires keyota



Moa basi beama riki oi noiba,  
ninkawe xoke keotai keiba.

Oi miara kabirai jaiba  
kax nokotanwen xokeiba.

1. ¿Jaweki keotai oi beyamaitian?  
Jares torokan xepowe.

2. ¿Jawekeskaaxonmein xoken  
oi jene xeai? Ribojanwe.



Jane: .....

# Janbires keyota

## Axeamisnin axeanoxon onanti

Axeamisnin bakebo yoyo axonai shinoki ika janbires keyota.

Moa basi beama riki oi noiba,  
ninkawe xoke keotai keiba.  
Oi miara kabirai jaiba  
kax nokotanwen xokeiba.

Bakebo betan tanawe, jainxon jatobicho,  
westiorabo tanamawe.

Axeamisnin yokabo jato akai.

- ¿Jawe yoimein ikai nato wishain?
- ¿Jaweki keotai oi benon ikax?
- ¿Jaweranoaxki xoke keotai?
- ¿Jawekeskaaxonmein xoken oi jene xeai?

Axeamis bakebobetan tsiniai, xoke keotai mawai, jaskaati noyai, jaskaakin onpax xeai iki. Westiora bakebaon yoiai jaweki ikaki nato janbires keyota.

### ¿Tsoabaonki tee akinai?

Axeamisnin.


### ¿Jaweranoxonki tee akanai?

Axeti xobonko.

### ¿Jawe jawekiboninki non tee akai?

Jan wishati.

**Axeamisnin xokeki ika janbires keyota yoyo axona ninkaxon, mia yokabo aka, ja yoi ikai meraxon sikawe jainxon ribojanwe.**







A large empty rectangular box with a blue border, intended for a student to write their name.

Jane: .....

# ¿Jawe teeboki xobonxon min akinai?

## Axeamisnin axeanoxon onanti

Bakebobetan yoyo iwe.

Axeamisnin yoiai ja tee akanaibo.

Bakebo jeman tsamabo imaxon tsinimai jaskaakin xobonkoxon jawen anibobo akinai iki.

Axeti xobomeran iwexon bakebo yokawe neskaakin:

- ¿Tsoabaonki jaton papa akinai xobonkoxon?
- ¿Jawe teeboki xobonkoxon min jato akinai?
- ¿Jakonmein iki non jato tee akina?

Jan teeti kirika jato meniwe.

Jawe teeboki min papa itan tita xobonkoxon akinai ribojanxon sikawe.

### ¿Tsoabaonki tee akinai?

Axeamisnin.


### ¿Jaweranoki tee akanai?

Axeti xobonko.

### ¿Jawe jawekiboninki non tee akai?

Jan wishati.

Min xobonkoxonki jawe teebo min anibobo akinai ja ribojanwe, ¿jakonmein iki non jato tee akinti? Yoawe.





Jane: .....

# Kirika samatabo tana

## Axeamisnin axeanoxon onanti

Bakebo betan yoyo iwe, nato oxe kirika aki ja axekanabo yoikanti kopi.

Jainxon bakebo meniwe jaton tee akabo.

Ja pekao bakebo yokawe:

- ¿Mesko jaweki axenoxonki non jawebo aka? ¿Tson xobonki noa meraibata? ¿Tsoaboki non axeti xobonko joibata? ¿Jawe akimein axeti xobonko joibake, yoxan, papa, tita, jema koshi? Yoita.
- ¿Jawerato teeki min kenshaman ika? ¿Jaweranoboki noa kaibata mesko jawekibo axenoxon jato yokati?
- ¿Tsoabetanki min teebo akai? ¿Tsonki mia akinai?
- ¿Jaweboki mia axea nato oxe?
- ¿Jaweboribiki mia axekasai?

Shinanxon yoiwe.

Jan teeti kirika pei tsekaxon jato meniwe.

Ribojana pekao jabe axeaibo yoiai ja tee aka.

### ¿Tsoabaonki tee akinai?

Axeamisnin.


### ¿Jaweranoxonki tee akanai?

Axeti xobonko.

### ¿Jawe jawekiboninki non tee akai?

Jan tee ati kirika.

¿Jawerato tee mia axeaki min kenshaman ika? Ribojanwe.









# Chopa tima itan kenebo





# Raonmetax kene onan iti

Titabaon akai bake ainbo pikoketian waste motsaxon nashimakin. Jaskaribiakin mechoki jaya aniti kopi.



Merayabaon oni xeameran xontakobo maiti maimai, kene onan iti kopi.

Kene onantira tsonbi jato axeayamai, noa kene axeairiki titan chopa akai manaixon, jaskaaxon tanai ikai noa kene axei.



# Kene onan inox wasten raonmeti ninkati

## Axeamisnin axeanoxon onanti

Axeamisnin bakebo jan teeti kirika menixon oimai.

Bakekebo yokabo awe.

¿Jawe yoimein ikai nato wishain?

¿Jawekopimein ja yoi ikai nato wishain?

Bakebaon joi ninkata pekao axeamisnin bakebo yoyo axonai kene onan inox wasten raonmeti iki wisha.

Bakebo yokatai.

- ¿Jawekopiki bake ainbo maxkobi jawen titan raonai?
- ¿Miaki neskaakin raonkanai iki?
- ¿Jakonmein iki neskaakin noa raonkana?

- ¿Jawekopiki noa raonkanai?
- ¿Wetsaboribimein jaskati raometai?
- ¿Jawe jane raoki jan kene onan inox raonmeti? Yoiwe.

Jawetio ani bake ainbo iketianki raonkanai.

### ¿Tsoabaonki tee akinai?

Axeamisnin.

### ¿Jaweranoki tee akanai?

Axeti xobonko.

### ¿Jawe jawekiboninki non tee akai?

Jan teetibo.

**Ribojobo oinxon axeamisnin akinaton yoyo awe.**







Jane: .....

# Jaskaaxon chopa timati onanti

## Axeamisnin axeanoxon onanti

Axeamisnin bakebo iweai yoxaman xobonko.

Yoxaman bakebo oinmai timakin jan ati jawekibo.

Rekenpari jato yoiai, chopa timabo iki tari, chitonti, rakoti pisha bake noxati.

Jatio nenke atibo moa topona iti jake. Jatibi jan atibo seneanxon jatianpari akai, jiwibo nichina chibanmakin yoman pontenai, peokin kexa itan naponbekon mesko jisa yomanbaon sere akin metsashamankin akai.

Jaskaaka pekao akai pokokin, yoman pontenaki jan timabokin chopa banemai kai.

Jaskaakin seneantanan akai ainbaon orin nexabekonkin, wetsakiri jiwiki nexai, wetsakirinxon timai.

Jan timanox westiora sintora keska pextin jan chinexeti yoina bichi aka (chaxo bichi) jaki

koshikainxon ninibainkin ainbaon yoman timai. Rabe ainbo iki ja akinai, jawen rarebo.

Bakebaon yokatai jawekeskaaxon chopa ati onanarin, ¿tson mia axearin akinbo yokakanai?

Axeti xobo ikainko jakiribi bakebo iwewe, yoxaman bakebo waxmen banati meniai.

Bakebaon yoiai ja axekana yoxan betan.

Bakebo jan ribojanti meniwe.

Bakebo yoiwe jawen kenshaman ika ribojanon.

**¿Tsoabaonki tee akinai?**





Yoxaman.

**¿Jaweranoki tee akanai?**

Yoxaman xobonko.

**Yoxaman jaskaxon chopa timati yoiya shinanxon min atipana kaman wishawe.**





Jane: .....

# Ainbonin itan benbon chopa

## Axeamisnin axeanoxon onanti

Axeamisnin mesko aibaon itan benbon sawetibo axeti xobonko boai (koton tari, chitonti, pisha, maiti, jonxe, kori, teoti, menexeti, chinexeti). Jaweti bakeyarin mia jatira min boai.

Axeamisnin ja non sawetibo westiora tasakan napotai.

Westiora toro imaxon yoiai jaskati tsinikanti. Westiora bakebaon katotai noa jan raotaibo. Jainxon yoimawe jawerano kaiki noa neskati raokatai ixon.

Axeamisnin bakebo jakiribi napoti yoiai. Jainxon katomaribiai, jaton saweai raotibores. Westiorabaon yoiai jawekeska jisarin ixon.

Axeamis bakebo betan yoyo ikai.

Jainxon jato oinmai (chitonti, koton itan tari) Benbon saweti iki tari.

Ainbaon saweti chopa iki chitonti, koton, chinexeti.

Jan teeti kirika jato meniwe.

Bakebaon onanai jaskati raokati pishtan kanox.

### ¿Tsoabaonki tee akinai?

Axeamisnin.

### ¿Jaweranoki tee akanai?

Axeti xobonko.


### ¿Jawe jawekiboninki non tee akai?

Noman saweai chopa, xawen choparibi.

**Bake ainbo iamax benbon jan raotaibo shinanxon, bakebo ribojana patax westiora maitibo ribojanxonwe.**







Jane: .....

# Waxmen tima pikotai chopa

## Axeamisnin axeanoxon onanti

Axeamisnin bakebo iweai westiora titan xobonko. Waxmen tima pikotai chopanki jawe jawebo pikoai ixon onankinoxon.

Jakiribi axeti xobonko bakebo iwewe.

Axeamisnin axeti xobonko beai mesko jawekibo. Tari, yoman pisha, jonxe, maiti.

Bakebo torokinxon napon tsamanwe.

Westiorabo oimaxon jato yokawe.

- ¿Waxmen timaxonki non jawebo pikoai?
- ¿Jokonmein iki waxmen timaxon mesko jawekibo pikoti?
- ¿Jaweboribimein waxmen tima chopa pikotaton non atiki?
- ¿Waxmen tima chopa yamaketianmein non jawebaon atiki?

Kimisha tsama bakebo imawe. Jainxon westiora jawekibo menixon jato tsinimawe.

Ja pekao jato yokawe jaskati tsinikana.

### ¿Tsoabaonki tee akinai?

Westiora titan.


### ¿Jaweranoki tee akanai?

Titan xobonko.

### ¿Jawe jawekiboninki non tee akai?

Tari, chop pisha keneya, jonxe, maiti.

**Ribojo oinxon yoiwe, jaweboki non chopa timaxon pikoai, ribojanwe.**





Jane: .....

# Yoranko keneti

## Axeamisnin axeanoxon onanti

Nato tee anoxra axeamis bekenetax axeti xobonko joai.

Bakebo torokin yakakinxon yokabo akai.

- ¿Nokon bemanainki ea jawe ika iki?
- ¿Jawetianmein noa bekeneti iki?
- ¿Tsoabomein bekeneakanai?
- ¿Bemanaibichoki noa kenetai?
- ¿Jawebaonki noa bekenetai?

Axeamisnin jato yokatai jaton kenrin bekeneti.

Bakebo yora keneti iki tananankanai.

Jan teeti:

Maxe, nane, koron, ompax, jan napoti.

Ja kenaibo ikanai yora keneakin. Bakebo rabebo imaxon yora keneamawe, jawen bemanares.

Axeamisnin jato yoiai besawemeti ati.

Jaskaaxon ati:

Kirika kexto tsekaxon, nanen, maxen, koronman jaweratoki min ken iki jan bekeneawe, axeamisnin akina. Ja pekao barin awe, manxaketian nishin nexabekonwe jawen pabikiori.

Jaskatax mibe axeaibo betan tsiniwe, jato mawai.

Axeamisnin bena joi jato onamai.

Yora keneti iki rabebo ikanai, mekeneti, rakeneti: Neskara kenebora ikatikanai benbobo itan ainbobo, ani xeatinin boi iamax wetsa xeatininbires winoti kai.

Ronon natexaribira ikanai keneti jatibi yoranko.


**¿Tsoabaonki tee akinai?**

Axeamisnin.


**¿Jaweranonxonki tee akanai?**

Axeti xobonko.

**Ribojobo oinxon yoiwe. Ronon natexa pekao pikokinki jawekeskaakin yoranko keneakanai ixon tsisten meken ikain keneawe.**







Jane: .....

# Kene ati

## Axeamisnin axeanoxon onanti

Axeamisnin bakebo meniai tawa pakex.

Jeman pikoxon bakebo tawan mai wishati yoiwe. Jatón kena wishakanai.

Ja pekao axeamisnin mesko kenebo boa jato tsamanxon oinmai.

Nanen, maxen, manon, pokotinin keneaxonra xepan tsaimaxon wishakanai. Jakopi riki jawen jane kene, jaskaribi wetsa jawekibaonribi akanai keneakin.

Keneakinra akanai ani kene pari. Jainxon natankanai, ja pekao beshekan akanai, senentian beroakanai.

Keweakinbirira mesko yomaman akanai, metsashaman itiakin, benbobaon itan ainbobaon sawetiainkobo.

Jarake maya kene itan xao kene.

Xao kene riki atibirescha kene.

Non rekenbaon yoiái neskarainkoníax non kenebo pikota: Inon yora oinxon, ipon betonko itan bawin jina oinxon.

Merayabaon yoiái ani paenmeran oina ronin jonibo kikin sanken sankenshamanbo. Jaskarainoabo oinxonkayaronki kene pikokana iki, shipibo ainbobaon.

Benbo itan ainbobaonra akai keneakin. Mesko jawekiaiboribi akanai keweakin.

### ¿Tsoabaonki tee akinai?

Axeamisnin.

### ¿Jaweranaxonki tee akanai?



Axeti xobonko.

### ¿Jawe jawekiboninki non tee akai?

Xepan, nane, chopá xate.

**Ribojo oinxon kene beshekan awe, jainxon yoiwe jawe jane kenerin.**





Jane: .....

# Shakaati ati

## Axeamisnin axeanoxon onanti

Axeamisnin bakebo menipakeai.

Kirika pei jato meniwe.

Jan tee atibo:

Yoman, xomox, xepox, mansian bero, tanonin ati berobo axeti xobonko beai.

Bekebo bebon mesko bimibo axon jato yokake.

Kimisha tsama imaxon westiora masenbo menixon yoiwe westiora jisa berobores katoti. Seneanka pekao yoikanai jawe beroki icha itan ichama iki.

Jaskaaxon shakaati ati:

Bakebo peoxonwe, jainxon jatonbicho ati yoiwe.

Rekenpari westiora yoman xomoxyaton westiora beropari keonai, japekao wetsaresibi jisa bero jaskaaxon westiora chopaxate ikain kexeai. Jaskaakin keon keonbainai.

Seneankax mibe axeaibo betan shaka atiaya bewawe.

Axeamisnin yokabo akai.

- ¿Jawekeskara jisaki min shakaati aka?
- ¿Icha bimi bero keonaki, jawekeskati shaka ikai?
- ¿Ichama bimi bero keonaki, jawekeskati shaka ikai? Bakebaon yoiwai ninkawe.

### ¿Tsoabaonki tee akinai?

Axeamisnin.

### ¿Jaweranoxonki tee akanai?

Axeti xobonko.

### ¿Jawe jawekiboninki non tee akai?

Jan teeti kirika pei.

**Min shaka atiaka shaka axon ninkawe. Ribojo oinxon jawerato shaa ati iki koshin shaka ika jares torokan xepoxon yoiwe, jawekopiki koshin shaka ika.**







Jane: .....

# Jan keneati jene

## Axeamisnin axeanoxon onanti

Axeamisnin axeti xobonko mesko jan sikati jawekibo bexon bakebo oinmai nane, maxe, konron mesko pei itan joa.

Babeko axeamisnin yoiai ja tee akanai.

Jan teetibo:

Rabe kenti yamekenti maxko, nane, konron, machiton, onpax, xakiti.

Jaskaxon tee ati:

Axeamisnin nane xatexon machitonin shokiai ja akaibo kenti ikain akai. Jainxon wetsa kentikanribi akai jatiribi nane shoki.

Wetsa yamikentikan ika xanayamai.

Bakebo yokawe.

- ¿Jaweatiki non nane shokia?
- ¿Jawekeska jisamein pikotai?

- ¿Jawen akamein ishton nane chexeshaman ikai?
- ¿Jawen akamein ishton chexeyamai?
- ¿Jawebomein nato jenen non akai?

Axeamisnin nane shoki chikan xanaka beai. Jainxon barin xanakaribi.

Jainxon bakebo oimaxon yokawe. Jawekeskara jisarin ixon.

Jan teeti kirika jato meniwe ribojo oinxon tee anon ixon.

### ¿Tsoabaonki tee akinai?

Axeamisnin.

### ¿Jaweranoxonki tee akanai?

Axeti xobonko.

### ¿Jawe jawekiboninki non tee akai?

Nane, machiton. onpax, kenti-yamekenti.

**¿Nane shoki chikan xanakamein jawekeskara pikotai? ¿Nane shoki bariankamein jawekeskara ikai? Riboj oinxon westiora torokan xepowe jawekeskaakin akaki ishton nane chexea ixon. Jainxon nane jensen ribujo nane sikawe.**





Jane: .....

# Chopa pokoti onanti

## Axeamisnin axeanoxon onanti

Jaskaakin chopa pokoti:

Bakebo matonki onana chopa pokonoxonki jawerato jawekibo biti iki.

Bakebaon yoiai ja onankana.

Axeamisnin wishai jatibi ja yoikanaibo.

Babebaon yoiai jaskaaxon kikin akin onati, (westiora simana).

Westiora yoxan benaxon yokakanai jaskaaxon chopa pokoti onanoxon.

Yoxaman yoiai wishtininti raxoxon bixon jawen bichi kobian, wiso pokoti, chexerao jabokayariki kobianti tsosinai kaman.

Jaskaaxon chopa pokoti.

- Joxo chopa biai
- Pokoti jene ikain montanti.
- Chopa montana bixon potsiyamakin barianti.

Manon akaskin chopapari peanxon jaki manon raskikin ja yantan ati ja ishinai manon aka, jakayara yamekiri patsati iki.

Jainxon oinkanai jaton reken yoibata jaweki.

Oinkanai jawekeskaki pikota ixon iamax baneta rabe simana.

Axeamisnin jan teeti kirika pei senentiain itina pei S3 tsekaxon jato meniwe.

### ¿Tsoabaonki tee akinai?

Yoxaman.


### ¿Jaweranaxonki tee akanai?

Yoxaman xobonko.


### ¿Jawe jawekiboninki non tee akai?

Mano, wishtitinti xaka, wiso pokoti.

**Ribojo tsekaxon ja maxkata ikain taxanwe. Jainxon yoiwe jaskaakin aka.**







Jane: .....

# Wetsa join yoyo ikaibaon kene

## Axeamisnin axeanoxon onanti

Axeamisnin ani kirikain non kene itan matsi jemankonia jonibaon kene axon axeti xobonko beai.

Bakebo oinmaxon mesko yokabo axon jaton shinanbo onanai.

- ¿Jawerato keneki min titan akai?
- ¿Jaweranoki ja kenebo min oinai iki?
- ¿Jawe keneboribiki min akanai oinai iki?
- ¿Tsoabaonki akai?

Axeamisnin yoiai nato kene riki yine joni akanaibaon akai, jaabo riki wetsa join yoyo ikaibo, non jeman itan ocho jeman jakanabo. Non akai jisakinribira jaton keneakai. Nonra akai mesko jisa yomaman. Metsashaman iti kopi.

Jatonribira akai mesko jisa yomamanribi.

Axeamisnin jan teeti kirika pei senentiain itina pei K4 tsekaxon jato meniwe.

### ¿Tsoabaonki tee akinai?

Axeamisnin.

### ¿Jaweranoki tee akanai?

Axeti xobonko.

### ¿Jawe jawekiboninki non tee akai?

Shipibobaon itan wetsa join yoyo ikaibaon kene.

**Wetsa kirikainoa ribojobo tsekaxon jakoankin joyonkin taxnanwe. Jainxon jato yoiwe ¿Non kene jisarin? ¿Jawekopimein wetsaresbi iki?**





Jane: .....

# Kirika samatabo tana

## Axeamisnin axeanoxon onanti

Bakebo betan yoyo iwe, nato oxe kirika aki ja axekanabo yoikanti kopi.

Jainxon bakebo meniwe jaton tee akabo.

Ja pekao bakebo yokawe:

- ¿Mesko jaweki axenoxonki non jawebo aka? ¿Tson xobonki noa meraibata? ¿Tsoaboki non axeti xobonko joibata? ¿Jawe akimein axeti xobonko joibake, yoxan, papa, tita, jema koshi? Yoita.
- ¿Jawerato teeki min kenshaman ika? ¿Jaweranoboki noa kaibata mesko jawekibo axenoxon jato yokati?
- ¿Tsoabetanki min teebo akai? ¿Tsonki mia akinai?
- ¿Jaweboki mia axea nato oxe?
- ¿Jaweboribiki mia axekasai?

Shinanxon yoiwe.

Jan teeti kirika pei tsekaxon jato meniwe.

Ribojana pekao jabe axeaibo yoiai ja tee aka.

### ¿Tsoabaonki tee akinai?

Axeamisnin.

### ¿Jaweranoxonki tee akanai?

Axeti xobonko.

### ¿Jawe jawekiboninki non tee akai?

Jan tee ati kirika.

¿Jawerato tee mia axeaki min kenshaman ika? Ribojanwe.











**Mapo ati**



**Westiora jonironki jawen awinbetan jenen ka iki.**



**Niweabaya oi bei wisobeiranketian ainbonin jawen bene yoiai paranta pei bixonwe ea maponon akin.**



**Jaskaaronki joni nonti repinax machiton bibaini mapeta iki paranta pei xatei.**



**Ishtonshaman paranta pei xatebeirani joni joa iki, moa nontin naneti jokin oina ika iki jawen awin iwanain mapores tsamata. Jaskatax ainbo mapo baneta iki.**

Jane: .....

# Mapo ainbo ini

## Axeamisnin axeanoxon onanti

Axeamisnin bakebo jan teeti kirika menixon oinmai.

Bakebo yokabo awe.

- ¿Jawe yoimein ikai nato wisha ikain?
- ¿Jawekopimein ja yoi ikai nato wisha ikain?

Bakebaon joi ninkata pekao, axeamisnin bakebo betan “Mapo ainbo ini” yoyo akai.

Bakebo yokatai.

- ¿Jawe yoi ikaki axeamisnin yoyo aka?
- ¿Joninki jawen awin jaweaka iki?
- ¿Ainbomein jaweki raketa iki? ¿Jawekopiki?
- ¿Jaweki winota iki ja ainbo?

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xobonko.


¿Jawe jawekiboninki non tee akai?

Mesko ribojo.

**Ribojobo oinxon axeamisnin akinaton yoyo awe.**







Jane: .....

# Mapo ati

## Axeamisnin axeanoxon onanti

Axeamisnin natoti jaweki axeti xobonko beai.

Mapo, yamaketian mai pishan axon, onpax, botiria mapoti. Wetsabaon akai tasoman ompax bixon maiya meskokin.

Axeamisnin yoiai mai meinnoxon neskaakin tee awe.

- Rekenpari mai ichamabo biai.
- Botiria tapan onpax bixon maiya meskoti.
- Mai meinai wachoshaman pikotai kaman.
- Mai meskoa bixon westiora kenpobo ati.

Westiora bakebaon jan tee akabo yoiai.

Jan teeti kirika jato meniwe.

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xonbonko.

¿Jawe jawekiboninki non tee akai?

Mapo iamax mai meina, rapis, jan teeti kirika itan jan sikati.

**Mai meina jeneira iketianki min jawe ati iki ja ribojanwe.**





Jane: .....

# Jaskaakin mapo ati onanti

## Axeamisnin axeanoxon onanti

Mapo pachiai kikin wachoshaman inonkaman.

Japekaora mei potoya meinnai, jaskaakin senen axon akai ichatama bibokin tarankin, metotinin rastontiobo.

Jaskaakin seneanxon moa akai mapo tsamankin peokin, jawetio aniki akasai jatio. Jaskaaxon akanai westiora xapan benxoabokin, keyoaikaman.

Moa jankeanxon maox pachixon sikai choshiaitibi sikai joxoshaman banetaikaman yasanai. Jainxon makaman renkeai, ja pekao itawana xakixon keneakai. Jainxon keneakai aninpari ja pekao beshekan akai, axon bariankanai.

Bakebo yokawe neskaakin: ¿rekenki non jawe akai?  
¿Ja pekaokan jawe atiki?

Chomo, kenchu, kenpo akin seneanxonki jawetio basi barin ati iki.

Axeamisnin jan teeti kirika pei senentiain itina pei T6 tsekaxon jato meniwe.


¿Tsoabaonki tee akinai?

Yoxaman.

¿Jaweranaxonki tee akanai?

Yoxaman xobonko.

**Jaweki axon non yoiai, reken aka itan japekao aka, rama riboyo oinxon taxnanwe, Japekao aka jawekibo.**







Jane: \_\_\_\_\_

# Mesko mapo axon jan jaweki napotibo

## Axeamisnin axeanoxon onanti

Axeamisnin bakebo yoiai mesko mapo akin pikoabo iki icha, jabo iki natobo:

Kenpo, chomo, kench, kenti, tonkon ati (xeati ati, piti kobin ati, onpax biti, rao kobianti) mesko jan atibo iki.

Bakebaon yoiai jaweranoki nato jawekibo ja.

Jan teeti kirika jato meniwe.

Seneanxon yoia ninkawe, jawe janerin jan jaweki benxoatibo.

Westiora bakebaon yoia ninkawe jawerato mapo jawen titan akaiki jan oina iki jaweki jain benxoai.

Westiora bakebo meniwe westiora mapo.

Jainxon yokawe jaweki jain min titan benxoai.

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xonbo.

¿Jawe jawekiboninki non tee akai?

Rapis, jan teeti kirika.

**Westiora serekan biananamawe jawerato mapoki jan yoabo jain napoti iki.**





|   |      |
|---|------|
| ○ | Rabe |
|   |      |

Jane: .....

# Tsiniana mesko mapó pikoa

## Axeamisnin axeanoxon onanti

Axeamisnin bakebo yoiai axetixobo napo mesko mapobo axon kirikani ribojanxon bea.

Bexon jonea, bakebo yoiai merati, meraxon tsamanti axetixobo napo.

Jainxon bakebaon yoiai mesko jisa mapo aka ribojana merakana axetixobo chicho.

Axemisnin bakebo yokatai.

¿Jaweki maton mera? ¿tsonki yoitiki jaweborin ixon?

¿Jaweti chomoki ika? ¿Jaweti kencha, kenporin? ¿jaweratoki westiorabicho iki? Oinxon yoikanwe.

Axeamisnin bakebo tsinikinai, mapo taranxon meken rebon tekikin mayakin tsaman tsamanbainti iki. Jainxon xapan wexakin senen inon ixon. Moa jankeanxon maox pashin jsatonin sikai choshaitibi sikai joxoshaman banetai kaman. Yasanai, jainxon makaman renkeai, ja pekao itawana xakixon keneakai. Jainxon keneakai aninpari ja pekao beshekan akai, axon bariankanai.

### ¿Tsoabaonki tee akinai?

Axeamisnin.


### ¿Jaweranaxonki tee akanai?

Axeti xobonko.


### ¿Jawe jawekiboninki non tee akai?

Mapo, kirika pei, masen, onpax, xapa, maox itan wetsa jawekiboribi.

**Mapo meina bixonki min tsinianan jawekeska jisa jawekibo pikoa. Rabe min kena ribojanwe. Jainxon toponwe rabe kaman. Axon wishawe.**







Jane: .....

# Non mapó itan wetsabaon mapó akaibo onanti

## Axeamisnin axeanoxon onanti

Axeamisnin non mapo itan wetsa join yoyo ikaibaon mapó ribojanxon beai.

Bakebo mesko yokabo axon jaton shinan onanai.

- ¿Non mapo aka jisarin?
- ¿Jawekopiki wetsaresbi iki?
- ¿Keneyarin?

Rabe bakebo biananamaxon jato tsinimawe, ja jisa ribojobo katoti iki.

Jan teeti kirika jato meniwe.

### ¿Tsoabaonki tee akinai?

Axeamisnin.


### ¿Jaweranoxonki tee akanai?

Axeti xobo.

### ¿Jawe jawekiboninki non tee akai?

Mesko mapó ribojanabo, jan taxnanti, rapis.

**Wetsa join yoyo ikainbaon mapó axon pikoa jisa ribojana oinxon, jaskara jisa min titan mapó axon pikoa ribojanwe.**





Jane: .....

# Bakebo onpax bii kai joyokana

## Axeamisnin axeanoxon onanti

Bakebo joyomawe, ramara noa tsiniai onpax bii kai iki. Jainxon jato yokawe, ¿jawekeskatiki mato joyota ¿Tsoaki rekena?

Jainxon jato yoiwe anichabaon boti jawekibo, jato meniwe.

Jaixon jato yokawe, tsoabaonki jaweki boai, westiorabo jato yokawe, tsoa pekaoririn mia, mi bebon ikaki tsoa iki.

Senenxon yoikanai, jaskaati tsinikana.

Meskotiboribi jato tsinimawe rekena, ja pekao itan ja patax iki.

Senenxon yoikanai jaskaati tsinikanabo.

Jan teeti kirika jato meniwe.

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xobonko.

¿Jawe jawekiboninki non tee akai?

Chomo, kenpo, kenti itan wetsa axeti xobonkonio jawekiboribi.


**Bakebo onpax bii kai joyota oinxon ribojanwe, ja rekena kenpo axonwe. Ja pekao ika chomo, jainxon ja chinita sikawe.**







Isameanra



boe xoi betan paranta xoi



napoxon pike.

Pia pekao



chokai kaira,

tati ikaini jawen



paketax toeke.

# Kenchaki ika imaa

## Axeamisnin axeanoxon onanti

Axeamisnin ja tee atibo bakebo yoi*ai*.

Jan teeti kirika jato meni*we*.

Axeamisnin bakebobetan “Kenchaki ika imaa” yoyo akai.

Jato kenmawe imaa ninkati, jainxon jakiribi imaa yoyo awe.

Wetsa kirikainoa ribojo tsekaxon yoyo abainkin ja itinkobo taxnan*we*.

Mesko yokabo axon bakebaon shinan onan*we*.

- ¿Jawe yoi ika imaaki axeamisnin yoyo aka?
- ¿Jaweki Isa Mean aka?
- ¿Jaweki kenchakan aka?
- ¿Jawe ikia Isa Mean kench*a*?

Bakebo jan teeti kirika meni*we*.

Jainxon ribojobo, jan wishati.

Axeamisnin jan teeti kirika pei senentiain itina pei S3 tsekaxon jato meni*we*.

### ¿Tsoabaonki tee akinai?

Axeamisnin.


### ¿Jaweranoxonki tee akanai?


Axeti xobonko.

### ¿Jawe jawekiboninki non tee akai?

Kench*a* ribojobo, jan taxnanti.

**Kenchaki ika imaa yoyo abainkin, ribojo tsekaxon ja itinkobo taxnan*we*. Jainxon minbicho yoyo akin tanashokowe.**





Jane: .....

# Korin Katen bababo mapo axona toponti

## Axeamisnin axeanoxon onanti

Bakebo yoiwe ja tee akanai.

Jan teeti kirika jato meniwe.

Jainxon jain tee akanai.

Seneanxon ja tee akana yoikanai.

Ja pekao axeamisnin bakebo yoiyai mesko jaweki axeti xobonko jayatanin tsiniti. Jainxon jawetikamanki jan teeti kirikain topoxon wishakana, jakiribi jati jato yoiwe, rabe itan kimisha jaton kenshaman jaweki katoxon toponti. Jabe axeai betan bianananson toponkanai.

Westiorabaon yoiyai.

Jan teeti kirika meniwe

¿**Tsoabaonki tee akinai?**

Axeamisnin.


¿**Jaweranoxonki tee akanai?**

Axeti xobonko.

¿**Jawe jawekiboninki non tee akai?**

Rapis, mesko mapo kirikani ribojana.

**Jaweti ribojantiki westiora chitemeranbo yoiyai, jati ribojanwe. Jainxon rabe itan kimisha toponxon wishawe.**







Jane: .....

# Kirika samatabo tana

## Axeamisnin axeanoxon onanti

Bakebo betan yoyo iwe, nato oxe kirika aki ja axekanabo yoikanti kopi.

Jainxon bakebo meniwe jaton tee akabo.

Ja pekao bakebo yokawe:

- ¿Mesko jaweki axenoxonki non jawebo aka? ¿Tson xobonki noa meraibata? ¿Tsoaboki non axeti xobonko joibata? ¿Jawe akimein axeti xobonko joibake, yoxan, papa, tita, jema koshi? Yoita.
- ¿Jawerato teeki min kenshaman ika? ¿Jaweranoboki noa kaibata mesko jawekibo axenoxon jato yokati?
- ¿Tsoabetanki min teebo akai? ¿Tsonki mia akinai?
- ¿Jaweboki mia axea nato oxe?
- ¿Jaweboribiki mia axekasai?

Shinanxon yoiwe.

Jan teeti kirika pei tsekaxon jato meniwe.

Ribojana pekao jabe axeaibo yoiai ja tee aka.

### ¿Tsoabaonki tee akinai?

Axeamisnin.


### ¿Jaweranoxonki tee akanai?

Axeti xobonko.

### ¿Jawe jawekiboninki non tee akai?

Jan tee ati kirika.

¿Jawerato tee mia axeaki min kenshaman ika? Ribojanwe.











**Yoina ati**



# Choyachaki ini



Westiora neteronki Inin Bita jawen bake Kanan Jisma betan yoina benai ka iki, Jisma... too atia ka iki, ja meke, mekekaina iki, yoina sotanxon oini. Jainxon oinaronki chaxo chankatoshita iki. Moa too akaibironki chaxo wenikainax ishtoa iki.

Chankatixon oina iki ja ochoma mapo wisoreskaini biri ikawana iki. Jatian shinana iki nokon papa riki ixon, ikenbi xoin, xoin ikai ninkatai. Jakiribi iribai ninkataki ja bebonmeax ikai jisa, kewinkin xoin aka, ja bebon bebonresi.



Jainxon oinaki bai yama, ratetaxki kikin koshin sai ika iki. Jainoaxki niweya oi paketa iki. Jaskataxki benota iki rabe yame kimisha nete.

Jaskatax Jisma benotax yosmashoko ika iki. Choyachakironki ikai chaxoki yoimeti, jato benomanox. Yoinabo retekanaitian sinatironki ikai jaskati. Jakopi yoinabo keyo retetima iki.



# Choyachaki ini

## Axeamisnin axeanoxon onanti

Bakebo jan teeti kirika jato meniwe, imaameran ika ribojobo oinxon yoyo akanon. Bakebo yokawe ja imaaki jawe yoi ika iki. ¿Jawekopiki ja yoi ikai?

Bakebaon yoia ninkawe.

Axeamisnin jainmashaman bakebo imaa yoyo axonai. Ninkakastimakanaitian jakiribi jato yoyo axonwe ja imaa, bakebaon jakon akin ninkaxon yoiti kopi.

¿Jawekopiki yoinabo koiranti iki?, noa jayata jawekibo koiranti, non nii, non mai, non ian itan wetsa jawekiboribi.

¿Jaweki non imaameranoa onana?

Axeamisnin imaa bakebo yoyo axona shinankinwe.

- ¿Jaweki Choyachakin koiranai?
- ¿Jawekopiki Choyachaki joniboki sinatai?

### ¿Tsoabaonki tee akinai?

Axeamismin.

### ¿Jaweranoxonki tee akanai?

Axeti xobonko.

### ¿Jawe jawekiboninki non tee akai?

Mesko ribojoo jan wishati, jan sikati, jan taxnanti.

1. Axeamisnin winota yoia ninkaxon, Choyachakimein jaweki yoimetai, ja ashtaawe.



2. Jawekeska jisamein iki Choyachaki. Shinanxon ribojanwe.




Jane: .....


# Choyachaki ini

---

**Axeamisnin imaa Choyachakin joni benomani, yoyo aka ninkaibata shinanxon mia yokatabo ninkaxon yoiwe. Jainxon ribojanxon sikawe.**







Jane: .....

# Yoinabo keotai mawati

## Axeamisnin axeanoxon onanti

¿Bakebo matonki jawe yoinabo onana?  
¿Jaweranoki ja yoinabo ja? ¿Jawekeskatiboki keotai? Bakebaon ja onankana yoiai.

Axeamisnin jeman pikokinxon jato toro imaxon yokapakeai, jawe yoinaki mia ikai.


Bakebaon ja yoina katota mawakanai jaskati keotai itan niai.

Axeti xobomeran iwexon jato jan teeti kirika menixon yoiwe. Jawe yoinaboki min oinai ribojankin senenaxon, jaskati niai ribojanwe.

¿Tsoabaonki tee akinai?  
Axeamisnin.

¿Jaweranoki tee akanai?  
Axeti xobonko.

**Yoinabo ribojankin seneanxon, jawe yoinaki min kenshaman iki, ja torokan xepowe. Jainxon yoinabo keotai mawawe.**





Jane: .....

# Yoinabo jan reteti

## Axeamisnin axeanoxon onanti

Bakebo jeman pikokinxon tsinikinwe.

Axeamisnin mesko jan yoina reteti ani kirikain ribojanxon, xatepakexon beai. Pia, kanoti, tepi, too ati, trampera.

Chosko tsama bakebo imawe. Jainxon ribojo xatepakeabo jato menixon jakoankin joyonkin rakanxon wetsa kirikain jato taxnanmawe. Ja tsamabaon yoikanai jawe ribojorin ixon.

Axeamisnin mesko yokabo akai. ¿Jawe yoinaboki nato jawekibaon non reteai?  
¿Jawebaonribiki non yoinabo retetiki?

Axeamisnin bakebo jeman pikokinxon yoi ai jaskati tsiniti.

Chosko tsama imaxon, ani kirikain ribojo taxnanwankanabo meniti. Jawetianki axeamisnin yoi a. Enra mesko yoinabo reteke, iketian bakebo ja kirikain kikini kataxananax yakati jake. Moa senenketian jato yokatai.  
¿Jawe ribojoninki mato yakata? ¿Jaweakimein ikanai ja jonibo? ¿Jawenki retekana?

Bakebaon yoi ai jan yoina retekanaiton yakata.

Axeti xobonko iwexon, jan teeti kirika jato meniwe.

Senenketian axeti xobonko jato iwewe.

Bakebaon yoi ai ninkawe, jainxon jato yokawe jaweti yoinaki retekana.

Bakebo mesko yoina ribojo meniwe.

Chitemeran bakebo taxnanmawe rabe yoina tsinikin retekana.

**¿Tsoabaonki tee akinai?**

Axeamisnin.

**¿Jaweranoxonki tee akanai?**

Axeti xobonko.

**¿Jawe jawekiboninki non tee akai?**

Too ati, pia, kanoti, tepi itan trampera ribojana.


**Min papanki jaweskaxonbiri yoinabo reteai ribojanwe.**









1




2





3



4



5



Jane: .....

# Kirika katoxon yoyo imaati

## Axeamisnin axeanoxon onanti

Jan tee ati jato meniwe.

Westiora bakebo katomawe jawerato yoinaki yoyo imaati atiki.

Axeamisnin jaskaaxon ati yoia chibankin bakebaon akai jaton tee.

Westiora bakebaon wetsaresibi yoina ja yoyo imaati akai.

Seneanxon jeman pikokinxon bakebo tsinikinwe yoinabo mawai iki.

Westiorabo yokawe jawe janeki jaton yoina imaati janekana.

- ¿Jawerato yoinaki maton ja yoyo imaati aka?
- ¿Jawerato jaweki mato jan teeta?

Jawekeskati noa tsinia ja yoina imaati akax.

- ¿Jatibi ja yoinaboki jaskara jisabires iki?
- ¿Jawe yoinayaborin mato?

### ¿Tsoabaonki tee akinai?

Axeamismin.


### ¿Jaweranoki tee akanai?



Axeti xobonko.

### ¿Jawe jawekiboninki non tee akai?

Jan tee ati jawekibo, jan wishati, jan taxnanti, jan xateti.

**Min oinaki jawe ribojana iki, jaskaakin ati yoia chibanbokin yoiwe.**





Jane: .....

# Ribojo oinxon imaa pikowe

## Axeamisnin axeanoxon onanti

Jan teeti kirika bakebo meniwe. Jainxon wetsa kirikainoa ribojo tsekaxon jato ointi yoiwe.

Axeamisnin bakebo yoia netexon ninkatai. Rama netera non tee akai, mesko ribojora non yoyo imai: mesko ribojo jato oinmawe.

Moa oinkana pekao, westiora ribojopari jato oinmawe.

Bakebaon ribojo oinbokin westiora imaa pikoai.

Axeamisnin mesko yokabo axon akinai.

- ¿Jaweakiki ikanai?
- ¿Jaweranoki ikanai? ¿Tsoaborin?

Bakebaon ribojo oinxon yoiai ja yoi ika ja imaa pikotai.

Jawekekaxonki non atiki tsinkixon.

Ribojobo jakon akin taxnanwe westiora tsama ikainko chosko bakebo ixon.

Rama mia jabe ikabo betan shinan imaawe.

Axeamisnin jan teeti kirika pei senentiain itina pei K2 tsekaxon jato meniwe.

### ¿Tsoabaonki tee akinai?

Axeamismin.


### ¿Jaweranoxonki tee akanai?

Axeti xobonko.




### ¿Jawe jawekiboninki non tee akai?

Chosko ribojo.

**Ribojo oinxon yoiwe, jaweakimein ikanai jonibo ja ribojo meran. Ja oinxon imaa pikoxon wishawe.**







Jane: .....

# Jaskatax bake isani

## Axeamisnin axeanoxon onanti

Bakebo torokinax yakawe jainxon jato yokawe  
¿Matonka ninkata iki “Yoitima bake ini ” Koka  
ikai isa.

Bakebaon shinan ninkata pekao.

Axeamisnin bake jaskatax isani jato yoyo  
axonai:

### Yoitima bake ini

Westiora jonironki sipan mishki ka iki iaman.

Ja mishki itaibironki jiwi ani ian napon  
chankata. Niwe rao akanai jiwi kaibira. Jawen  
bimi manai piaxonki yapabo isabaina iki.

Jaronki ja jonin pei bixon jawen xobonko  
bexon chaka iki. Jainxon jema katekin  
kashiaka iki onanoxon, jawemein noa winotiki  
ixon. Ja yameronki ika iki jema tes ishini netei.

Moa netexabaketianronki jawen bake benbo  
mari maspoaibata oini kaitian jawen titan yoia  
iki. Kayamawe noara jakoma jaweki winonake,  
maira tes ishinaikin. Akabironki yoitimatax  
jaa bake ka iki, ja sotani imaxon ninkataronki

ika iki jonibo saa ikai. Oinakaironki ika iki  
jawen jema keyati. Jaronki ja bake ishtoi  
joxonbi ketores weresh atoshia iki. Moa neti  
atipayamaxronki ika iki ea potayamawe koka,  
ea biwe koka iki. Jaskatax banenironki iki joni  
isati. Ramakamanbi non ninkatai jaskati isa  
keotai. Koka iki.

Jan teeti kirika jato meniwe.

Jaweki noa nato wishameranoax axea.

Ribobo oinxon bakebaon yoiai jawe akiki ikanai  
ixon.

### ¿Tsoabaonki tee akinai?

Axeamismin.


### ¿Jaweranaxonki tee akanai?

Axeti xobonko.

### ¿Jawe jawekiboninki non tee akai?

Mesko ribojobo, jan wishati, jan sikati, itan jan  
taxnanti.

**Jawekeskaraki min shinanai jaskara bake winota ninkaaxon. Ribojobo oinxon ja patax bemana raro iamax onis ribojanwe. Jainxon yoawe jawekopimein non anibaon joi ninkatai iti iki ixon.**





A large, empty rectangular area with a light blue border, intended for a drawing or writing.

Jane: .....

# Yoinabo retei iki tsiniti

## Axeamisnin axeanoxon onanti

Bakebo jeman pikokinxon tsinikinwe.

Axeamisnin mesko jan yoina retei ani kirikain ribojanxon, xatepakexon beai. Pia, kanoti, tepi, too ati, trampera.

Chosko tsama bakebo imawe. Jainxon ribojo xatepakeabo jato menixon jakoankin joyonkin rakanxon wetsa kirikain jato taxnanmawe. Ja tsamabaon yoikanai jawe ribojorin ixon.

Axeamisnin mesko yokabo akai. ¿Jawe yoinaboki nato jawekibaon non reteai?  
¿Jawebaonribiki non yoinabo reteiki?

Axeamisnin bakebo jeman pikokinxon yoi ai jaskati tsiniti.

Chosko tsama imaxon, ani kirikain ribojo taxnanwankanabo meniti. Jawetianki axeamisnin yoi a. Enra mesko yoinabo reteke, iketian bakebo ja kirikain kikini kataxananax yakati jake. Moa senenketian jato yokatai.  
¿Jawe ribojoninki mato yakata? ¿Jaweakimein ikanai ja jonibo? ¿Jawenki retekana?

**¿Jawebaonki yoinabo retekana? Oinon yoita, jainxon min papanki jawekeskaaxon yoinabo reteai ja sikawe.**

Bakebaon yoi ai jan yoina retekanaiton yakata.

Axeti xobonko iwexon, jan teeti kirika jato meniwe.

Senenketian axeti xobonko jato iwewe.

Bakebaon yoi ai ninkawe, jainxon jato yokawe jaweti yoinaki retekana.

Bakebo mesko yoina ribojo meniwe.

Chitemeran bakebo taxnanmawe rabe yoina tsinikin retekana.

**¿Tsoabaonki tee akinai?**

Axeamisnin.

**¿Jaweranaxonki tee akanai?**

Axeti xobonko.



**¿Jawe jawekiboninki non tee akai?**

Too ati, pia, kanoti, tepi itan trampera ribojana.







|   |  |   |   |   |
|---|--|---|---|---|
|   |  |  |  |  |
|    |  |   |   |   |
|   |  |   |   |   |
|  |  |   |   |   |
|  |  |   |   |   |

Jane: .....

# Mesko yoinabo

## Axeamisnin axeanoxon onanti

Axeamisnin bakebo jeman pikokinai. Bain kakin mesko yoinabo ointi jato yoiai.

Axeti xobonko jakiribi bakebo iweai.

Bakebo yokawe, jaweki oinkana jeman pikoxon.

¿Jaweska jisa yoinaboki oinkana?

Westiorabaon yoia ninkawe, jawekeska jisa yoina oinaki yoia.

Jainxon westiora bakebo meniwe westiora kirika pei, jain ribojankanon westiora yoina.

Seneanxon yoikanai jaskara jisa ribojankana.

Axeamisnin yokabo jato akai.

- ¿Jawekeska jisa yoinaboribiki maton onana?

Ja chitemeran mesko jisa yoina ribojana oinxon ashtaawe, jaskaakin ati yoia ninkaxon.

**¿Tsoabaonki tee akinai?**

Axamisnin.


**¿Jaweranaxonki tee akanai?**

Axeti xobonko.

**¿Jawe jawekiboninki non tee akai?**

Jan teeti kirika mesko yoina ribojoya.

**Ribojo oinxon tee awe, jawekeska jisa yoinaboki chitemeran iki, ja naman ashta awe, ja ati yoiabores. Jainxon yoiwe jawekeska jisa yoinarin.**





Jane: .....

# Kirika samatabo tana

## Axeamisnin axeanoxon onanti

Bakebo betan yoyo iwe, nato oxe kirika aki ja axekanabo yoikanti kopi.

Jainxon bakebo meniwe jaton tee akabo.

Ja pekao bakebo yokawe:

- ¿Mesko jaweki axenoxonki non jawebo aka? ¿Tson xobonki noa meraibata? ¿Tsoaboki non axeti xobonko joibata? ¿Jawe akimein axeti xobonko joibake, yoxan, papa, tita, jema koshi? Yoita.
- ¿Jawerato teeki min kenshaman ika? ¿Jaweranoboki noa kaibata mesko jawekibo axenoxon jato yokati?
- ¿Tsoabetanki min teebo akai? ¿Tsonki mia akinai?
- ¿Jaweboki mia axea nato oxe?
- ¿Jaweboribiki mia axekasai?

Shinanxon yoiwe.

Jan teeti kirika pei tsekaxon jato meniwe.

Ribojana pekao jabe axeaibo yoiai ja tee aka.

### ¿Tsoabaonki tee akinai?

Axeamisnin.


### ¿Jaweranoxonki tee akanai?

Axeti xobonko.


### ¿Jawe jawekiboninki non tee akai?

Jan tee ati kirika.

¿Jawerato tee mia axeaki min kenshaman ika? Ribojanwe.














**Yoabo biti**



Jane: .....

# Reken atsa tapon mexaxon ati

## Axeamisnin axeanoxon onanti

Westiora yoxan jawen xobon benaxon yoiwe, axeti xobonko jonon. Bakebo axeaki jonon jaskaaxon reken atsa tapon mexaxon jaskaati, ani atsa tapon iti kopi.

Yoxaman bakebo axeai atsa tsismanya kobin ati.

Jakiribi bakebo axeti xobonko iwewe, jato betan yoyo iwe jaweki yoxaman jato axea.

Jan teeti kirika jato meniwe.

Bakebaon ribojo oinxon yoiwai jawekopiki reken atsa mexaxon tsisman betan kobin ati iki.

**¿Tsoabaonki tee akinai?**

Yoxaman.

**¿Jaweranaxonki tee akanai?**

Yoxaman xobonko.



**¿Jawe jawekiboninki non tee akai?**

Jan wishati itan jan sikati.

**Ribojanxon sikawe jawerato yapaki reken atsa tapon mexaxon jaya kobiantiki, atsa tapon anishamanbo iti kopi.**







Jane: .....

# Mesko bero banati tsinkia

## Axeamisnin axeanoxon onanti

Bakebo yoxaman xobonko merakin iwewe, jato axeanon ixon jaskaakin banati berobo benxoati.

Westiora bakebo iamax rabebo biananaxon, icha banati berobo jato meniwe. Jainxon westiora iamax rabe botiriabo menixon bochoamawe.

Bakebaon tsinianan kimisha itan chosko kaman toponxon yoikanai.

Yoxaman jato axea pekao, axeamisnin bakebo bero benxoakanai jakiribi banati kopi wetsa baritia joaitonin.

Axeamisnin bakebo yoiai jaskaakin tee ati, yoxaman jato axea chibankin.

Jan teeti kirika bakebo meniwe.

**¿Tsoabaonki tee akinai?**

Yoxaman.

**¿Jaweranaxonki tee akanai?**

Yoxaman xobonkoxon.

**¿Jawe jawekiboninki non tee akai?**

Mesko bimi berobo, jan wishati itan jan sikati.

**Jaweti botiriaki bero banati napota bochoya iki toponxon chitemeran wishawe. Jainxon jaweti botiriaki beroyoma itan xepotioma iki jati chitemeran wishawe, jawetirin toponwe.**





Jane: .....

# Yoabo

## Axeamisnin axeanoxon onanti

Axeamisnin axeti xobonko yoabo boxon bakebo onanmai.

Westiora sakon yoabo napoxon bakebo yoiwe ja chichokeabi bixon yoiti jake jawe janerin ja yoa.

Bake ainbo itan benbo yoiti iki, jakon jawekiati, yora koshi meniaibo piti, yora koshi iti kopi itan jakonax anitikopi.

Axeamisnin bakebo onamai, chana manapo pimakanara kikin onan aniai iki ixon.

Jan tee ati kirika jato meniwe, jainxon ja senentianko mesko ribojana xatetiboribi.

Bakebo yoiwe, ¿jawekopiki non jakon jawekiati iki?

¿Tsonbi yoabo banayamaki jawe winoti iki?

Axeamisnin jan teeti kirika pei senentian itina pei T6 tsekaxon jato meniwe.

**¿Tsoabaonki tee akinai?**

Axeamisnin.


**¿Jaweranaxonki tee akanai?**

Axeti xobonko.





**¿Jawe jawekiboninki non tee akai?**

Mesko yoabo ribojana, jan taxnanti, rapis, besteti.

**¿Jawerato yoaboki jan yora koshiakaibo itan jakon imaibo iki? ¿Jaweratoboki jan yora jakonma imaibo itan isin meniabo iki? Bake rabe ribojana oinwe itan jaton jawekiabo ribojanwe.**







Jane: .....

# Atsa mexati iki tsiniti

## Axeamisnin axeanoxon onanti

Atsa mexai iki joni iti.

Ea ibanon wai ibo.

Noa ikai ja papiaibo.

Jeman bakebo pikokinxon tsinikinwe atsa mexai iti.

Bakebaon katotai jan jato tsinikinti.

Bake ainbo, benbo ikanai paston joyotax pitsonkin yatanai, kikin koshin.

Ja wai ibo ikai jawen wai manishyora iketian oroi oken ibekoni, jawetianki bakebo joyota bebon winotai, jatianra otexkanti jake, ja ibo ikai eri manishyora ikaxra bina icha iki. Moa orokin seneanxon ja rekena itina mekeman yatanxon koshin niniti jake, atsa mexai jisakin. Jaskaakin jatibi bakebo ninipakekin biai.

Axeti xobonkonია jiwi xatebo bakebo meniwe jan tsiniti.

Jainxon bakebaon tsinkiai.

Axeamisnin mesko jawekibo jato meniai toponkanai sokota 6 kaman itan kanchis 7 kaman, toponxon wishai.

**¿Tsoabaonki tee akinai?**

Axamisnin.


**¿Jaweranoxonki tee akanai?**

Axeti xobonko.

**¿Jawe jawekiboninki non tee akai?**

Mesko jiwi xatebo, peibo, bimi berobo.

**¿Jaweakiki bakebo ikanai? Jaweti bake ainbo itan benborin jati toro sikawe. Toponwe sokota itan kanchis kaman. Jainxon wishawe.**





Ea riki joshinax panshin  
joshintanishaman,  
ochokeaxbi inin poatai,  
kokoa batashaman, kikin  
jene, xoo kokoa jana xateai.  
**¿tsoarin ea?**

Eariki toro, nokon yora riki  
joxon sionya, nokon naporiki  
joshin, bero pancha, kikin  
bata itan jeneshaman.  
**¿tsoarin ea?**

Nokon yorariki tawa jisa, nenke,  
rataxonra ea kokokanai, nokon  
jeneriki bata, jaskaribiakinra ea  
potsixon nokon jeneya xeati  
tokonkanai.  
**¿tsoarin ea?**

Ea riki pei jisa chopa saweya  
jaya beten piti, xoixon,  
joaxon itan chachixonra ea  
pikanai.  
**¿tsoarin ea?**

# Shinanxon biti

## Axeamisnin axeanoxon onanti

Bakebo yoyo axonwe shinanxon biti.

Jan teeti kirika bakebo meniwe, jainxon ja wishabo jato xateti yoiwe.

Jakiribi yoyo aribawe bakebaon ninkanon, jainxon shinan biti kopi jaweratoki ja yoi ika iki

Kimisha kokoti yobin jato oinmawe, ja kimishainkonia iki westiora ja yoi ika. Jaskaaxon bakebo shinan meniwe, jaweratoki ja yoi ika iki.

Axeamisnin akina kimisha shinanxon biti axeax tanakanai.

Jan teeti kirika bakebo meniwe.

Jawerato wishaki ja yoi ikai ixon ja ribojobetan taxnanwe.

**¿Tsoabaonki tee akinai?**

Axeamis.


**¿Jaweranoxonki tee akanai?**

Axeti xobonko.


**¿Jawe jawekiboninki non tee akai?**

Jan taxnati, jan xateti, jan teeti kirika..

**Axeamisnin shinanxon biti yoyo axona ninkaxon ja yoi ika ribojo xatexon taxnanwe ja wisha ikainko.**







160



# Rabiti santiraki ika



Santira, santira, icha santira,  
titashokon wainko tipia anishamanbo.



Santira batashaman, kaxkea  
joshinshaman santirashaman.

Titan banati santira, basima  
xoxoai.



Nokon ken santira.

Irake



## Rabiti santiraki ika

### Axeamisnin axeanoxon onanti

Bakebo jeman pikokinxon santira yometsoi iki jato tsinikinwe.

Westiora ikai ibo, wetsa ikai ochiti.

Jatiribibokan santira anishamanbo.

Santiraki ika rabiti bakebo yoyo axonwe.

Jakiribi jato yoyo axonwe, jainxon jato yoiwe mia kechibanti.

Westiorabo tanatai, jeman pikoxon yoiai jaskati ika rabiti axea.

Jan teeti kirika jato meniwe.

Axeamisnin rabiti yoyo axona ninkatax axekanai.

Bakebaon chibanai metotinin rabiti axeamisnin yoyo akaitian, icha iki tanakanai.

Jatobicho tanakanai.

¿**Tsoabaonki tee akinai?**

Axeamisnin.

¿**Jaweranoxonki tee akanai?**

Axeti xobonko.


¿**Jawe jawekiboninki non tee akai?**

Rapis.

**Axeamisnin yoyo axona ninkatax rabiti axewe, jainoax tanawe miabicho.**












Jane: .....

# Atsa poto ati

---



Jane: .....

# Atsa poto ati

## Axeamisnin axeanoxon onanti

Atsa tobanoxon atibo.

Rekenpari atsa mexai, atsa xokai, chokai, atsa payonon ixon nontin jeneya axon montankin.

Tobanoxon potsiti.

Bakebo yoiwe ointi jaskaaxon atsapoto ati.

Yoxan betan yosin ese ninkati.

Bakebaon yoiyai jaskara oinkanabo

Jaweboribiki basi benxoati iki.

¿Jawekeskaaxon atsapoto aka?

Ja axekana jawekibo tanakin wetsa shinan betan taxnakia ixon yoiyai.

Bakebaon yoiyai ja axekana jaweki.

Reken jaton shinan ibata jaweki rama jawekeska iki, yosi yokaxon ninkata pekao.

Bakebaon yoiyai jaskara jaweki axekana.

Axeamisnin jan teeti kirika pei senentiain itina pei 163 tsekaxon jato meniwe.

¿Tsoabaonki tee akinai?

Yosin.


¿Jaweranoxonki tee akanai?

Yosin xobonko.


¿Jawe jawekiboninki non tee akai?

Karo, jan tobanti, chiwinti, xeni, onpax.

**Ribojo xatexon taxnanwe, jaskaakin atsa poto ati ribojana oinxon jakon akin joyonwe.**







Jane: .....

# Jaskaakin paranta joshin xeati ati wisha

## Axeamisnin axeanoxon onanti

Bakebo betan yoyo iwe, paranta joshin xeati ati jato onamawe.

Jan atibo:

1. Yamikenti
2. Karo
3. Onpax
4. Moxo chachiti

Jaskaakin ati:

Paranta joshin xeati ati riki, jaweti icha jonin xeatiki oinxon.

Paranta joshin xokaxon yamikentin napoti iki. Jainxon onpax axon beyasanti iki chi xenaketian, moa kikin waketian botexon chachiwe.

Axeamisnin jato akina bakebaon paranta joshin xeati akai.

Bakebaon paranta joshin xeai.

Axeamisnin jan teeti kirika pei senentiain itina pei S4 tsekaxon jato meniwe.

### ¿Tsoabaonki tee akinai?

Axeamisnin.


### ¿Jaweranoxonki tee akanai?


Axeti xobonko.

### ¿Jawe jawekiboninki non tee akai?

Jan atibo: paranta joshin, yamikenti, moxo chachiti.

**Ribojo tsekaxon taxnanwe. Jaskaaxon paranta joshin xeati aka, ribojo oinxon yoiwe jan paranta xeati atibo.**





Jane: .....

# Mesko yoa itan yobinbo

## Axeamisnin axeanoxon onanti

Bakebo yoiwe torotax yakati, japekao jaton kenshaman yobin itan yoa shinanti.

Westiora, westiorabaon yoiyai, jawekopiki jawen kenshaman iki ja yobin itan jawe janerin yoiwe.

Axeamisnin mesko yobin itan yoa ribojanxon bea bakebo oimai.

Kimisha tsama imaxon jato yoiyai, jawerato ribojorin ja jekan pekotabo ixon katoti.

Axeti xobonkonია jawekibaon tsinikanai, jawe jawekiborin ja jekan pekotabo iki.

Jan teeti kirika jato meniwe.

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xobonko.


¿Jawe jawekiboninki non tee akai?

Rapis, jan teeti kirika.

**Chitemeran yobinbo ribojana oinxon jaweratoki ja jeekan pekotama iki ixon toro awe. Jainxon jawe yobinborin ixon yoiwe.**








3

5

6



6

7

8



4

6

5

Jane: .....

# Yoabo itan yobinbo joshina onanti

## Axeamisnin axeanoxon onanti

Axeamisnin bakebo iweai axeti xobon wainko iamax jaton papan wai ochomacha ikain.

Paranta bikin ointi iki jawen mentsis wiso riki moa satanshaman jariki biti.

Kankanra tsekati iki panshinshaman iketian.

Santira binoxon noranbepariti iki, noranbea panshinshaman iketian jariki biti.

Chikiraya tsekati riki moa choshi iketian, raox arakanai panshin, jara bitimapari iki, maxkapariketian onanxon.

Tama mexanoxonra non ointi iki moa pei iki tatininai (taponamamea ika pei manai)

Sio bikin riki ja sio bana ikai matoaketana oinxon jara chinixon biti iki.

Aros taxteti riki panshinshaman iketian.

Waran bikinra biti ramanxantani itan panshinshaman oinxon.

Seneanxon bakebaon yoiai ja tee akanabo.

Bakebo jakiribi axeti xobonko iwewe.

Jan teeti kirika bakebo meniwe.

### ¿Tsoabaonki tee akinai?

Axeamisnin.


### ¿Jaweranoxonki tee akanai?

Axeti xobonko.

### ¿Jawe jawekiboninki non tee akai?

Rapis, jan teeti kirika.

**Ribojobo oinxon, jawekeskara yobinki moa jawekiati jakon iki, jaboresh toponxon jati paketa wishawe.**





Jane: .....

# Kirika samatabo tana

## Axeamisnin axeanoxon onanti

Bakebo betan yoyo iwe, nato oxe kirika aki ja axekanabo yoikanti kopi.

Jainxon bakebo meniwe jaton tee akabo.

Ja pekao bakebo yokawe:

- ¿Mesko jaweki axenoxonki non jawebo aka? ¿Tson xobonki noa meraibata? ¿Tsoaboki non axeti xobonko joibata? ¿Jawe akimein axeti xobonko joibake, yoxan, papa, tita, jema koshi? Yoita.
- ¿Jawerato teeki min kenshaman ika? ¿Jaweranoboki noa kaibata mesko jawekibo axenoxon jato yokati?
- ¿Tsoabetanki min teebo akai? ¿Tsonki mia akinai?
- ¿Jaweboki mia axea nato oxe?
- ¿Jaweboribiki mia axekasai?

Shinanxon yoiwe.

Jan teeti kirika pei tsekaxon jato meniwe.

Ribojana pekao jabe axeaibo yoiai ja tee aka.

### ¿Tsoabaonki tee akinai?

Axeamisnin.

### ¿Jaweranoxonki tee akanai?

Axeti xobonko.

### ¿Jawe jawekiboninki non tee akai?


Jan tee ati kirika.

¿Jawerato tee mia axeaki min kenshaman ika? Ribojanwe.









**Yapabaon itan  
peiya yoinabaon  
bachi biti**



# Yapabo isani



Weamanronki "Niwe rao"  
raston kenita ipaonike.  
Bari joaikiri oinkana biri,  
biri ishamani, niweaimabiki  
peibo peri, peri ishamani.  
Barin aka jawen bimi toeti  
metsa, metsashamani.

"Niwe rao toeti Tsas teenn"  
joaxki jenenko paketi "Tsonn"  
iki jaskataitian ja bimi piaxki  
yapabo isati "Pexx" iritanan  
oa noyakaini, moakaya isata.  
Jaskatax make baneta iki  
xawan, maxkocha makebo  
pishpish, picha baneta iki  
xoto. Wetsa yapabobira jawe  
isabo ika iki. Jaskatax yapabo  
isata iki.



# Jaskatax yapabo isani

## Axeamisnin axeanoxon onanti

Axeamisnin bakebo iweai, wetsa neten yosi yoibatax, jaskatax isabo pikoni yosin yoiai ninkamakin jato iweai.

Axeti xobonko jakiribi bakebo iwexon jato yokawe yosin jato axea.

Yosin yoia ninkata pekaoki jawekeska shinankanai.

Bakebo jan teeti kirika meniwe.

Mesko yokabo axon bakebaon shinan ninkawe.

- ¿Jawe yoimein ikai nato wisha?
- ¿Jawekopiki ja yoi ikai nato wisha ikain?
- ¿Jaweki yapabo winota iki?
- ¿Jawe ikiakana iki ja yapabo bimi piax?
- ¿Jawe jane raoki yoiai?

Bakebaon ribojo oinxon yoiai ja yapa isatabaon jane.

**¿Tsoabaonki tee akinai?**

Yosin.


**¿Jaweranaxonki tee akanai?**

Yosin xobonko.

**¿Jawe jawekiboninki non tee akai?.**

Isabo ribojana, jan sikati, rapis.


**Axeamisnin jaskara winota yoyo aka ninkata pekao, ribojo oinxon jaskaakin min ninkata mibe bakebo yoawe.**







1. Axeamisnin winoni yoyo aka ninkaxon jawerato yapaboki isani, ja ashtaawe.



2. ¿Jawe piaxki yapabo isani? Ja koros awe.



3 Westiora yapa ja isa baneni shinanxon ribojanxon sikawe.

Jane: .....

# Jaskatax yapabo isani

---



Three horizontal dashed lines for writing, located to the right of the illustration.



# Janbirokoti

Tsonki tsaori tsakaa,  
tsakaa Tsoman tsekaa,  
tsekaax Tsoma tsaoria,  
tsakatinin tsaka tsaoria.



# Janbirokoti

## Axeamisnin axeanoxon onanti

Axeamisnin Tomi, xomi bimi ribojanxon axeti xobonko beai.

Bakebo ja ati yoiwe.

Bakebo yoiwe westiora ribojo tsekati. Jainxon westiorabaon yoi ai jawen jane itan jawen jisa, itiki ani, maxko, wiso... jaskaakin yoikanai.

Jato yokawe: mesko jaweki janei tsiniti.

Jan teeti kirika bakebo meniwe.

Bakebaon axeamisnin yoyo akai chibanai.

Bakebaon yoyo akai janbirokoti jaton atipana kaman.

Jainxon jakiribi jato yoyo axonwe, yoyo abainkin ja yoi ikai ribojana taxnan taxnanbainai.

Ichaakin jato yoyo axonwe.

**¿Tsoabaonki tee akinai?**

Axeamisnin.

**¿Jaweranaxonki tee akanai?**

Axeti xobo.






**¿Jawe jawekiboninki non tee akai?**

Mesko isabo ribojanxon, Tomi itan xomi bimi. Besteti, jan taxnanti, rapis.

**Axeamisnin akina janbirokoti yoyo awe, ninkaxon chibanwe, jakiribi yoyo aribawe, jainxon koshinchabires yoyo awe.**







Jane: .....

# Atapa jaskati jaa

## Axeamisnin axeanoxon onanti

Bakebo yoxainba merakin iwewe. Jaskatax atapanin bachiakai yokaxon onankanon.

Axeamisnin bakebo iweribiai axeti xobonko.

Axeamisnin bakebo iweribiai axeti xobonko.

Jainxon jato yoyo ikinai jaweki jato yoxaman axeaka.

Bakebo yoiwe ja tee akanai.

Rabe tsama imawe. Jainxon westiora iti jake atapa. Jatiribibo ikai ja bachibo. Jainoax moa toshitax jawen tita chibani nii xena pianan.

Ja tsamabaon yoiai jaskati tsinikana.

Kirika pakexbo menixon bachibo jato pikomawe. Jainxon westiora naa axon jain jato napomawe.

¿Tsoabaonki tee akinai?

Axeamisnin, yoxaman.


¿Jaweranaxonki tee akanai?







Axeti xobo.

¿Jawe jawekiboninki non tee akai?

Kirika pei, besteti, jan taxnanti, rapis.

¿Jawekeskati atapa ja? Ribojankin seneanxon mibe axeaibo yoiwe.





# Ipo bachi biti

## Axeamisnin axeanoxon onanti

Bakebo yoiwe jain yapabaon bachiai.  
Yapabaon bachiakai jenemeran mai kiniaxon.  
Ipon akai jene beatian, rayon, chio, tsisman,  
make, koyaparo, wamenribi.  
Mesko mai iamax mapo meinxon bakebo  
meniwe, ipo bachi jisakin pikoax tsinikanon  
ixon yoiwe.  
Seneanxon jabe axeaibo yoikanai jaskaaxon  
tee akabo.  
Jan teeti kirika jato meniwe.

### ¿Tsoabaonki tee akinai?

Axeamisnin.


### ¿Jaweranoxonki tee akanai?

Axeti xobonko.

### ¿Jawe jawekiboninki non tee akai?

Mapo iamax mai meinxon, mesko bimi berobo,  
rapis.

**Ipo ribojana oinxon jain bachiai kininkobo westiora serekan biananamaxon, ipo bachi ribojanwe.**







|   |        |
|---|--------|
| ○ | Posaka |
|   |        |

Jane: .....

# Bachi yankon

## Axeamisnin axeanoxon onanti

Yosiba bakebo merakinxon onamawe peiya yoinabaon bachiakai.

Bakebaon ninkatai jain peiya yoinabaon bachiai, nii taxbameran itan ian rebonra akai wapa wapan bachaiakin. Yono bochikironki manxaman, koshori, xarara jabaonronki akai ani jiwi bochiki.

Jatian ja naman akaibo riki xaneeka, tsaorin. Jaskaribi akai taxbakan.

Natobaonra akai jenetian bachiakin.

Jan tee ati kirikainoa pei tsekaxon westiorabaon tonkoanon jato yoiwe xonioro bachi jisaakin ati, jaskatax tsinikanai.

Westiorabaon akai 7 kanchis bachibo.

Jatiribibo jatioma iketian akinwe jati nokoaikaman.

Westiorabaon toponai, ja texeabo wetsa bake jayaomabo meniti seneanti kopi.

Seneanxon yoikanai jaskati tsinikana.

Tsaori bachi jawen naa ikainko taxnawen, xonioro bachiribi awe, rama toponwe jaweti bachiboki westiora naabomeran iki.

Rabe bakebo biananamaxon 5 ja jisabires bachi tsamanti yoiwe.

Jainxon yoiwe chitebomeran jati bachi taxnanti, ribojo oinxon.

Axeamisnin jan teeti kirika pei senentiain itina pei S4 tsekaxon jato meniwe.

### ¿Tsoabaonki tee akinai?

Axeamisnin.

### ¿Jaweranaxonki tee akanai?


Axeti xobonko.

### ¿Jawe jawekiboninki non tee akai?


Mesko kirikabo, rapis, besteti, isa naa.

**Xonioron naa ikain xonioron bachi taxnanwe. Jainxon jati topona paketa wishwe.**





Nete



Yame

Jane: .....

# Neten itan yame tee ati

## Axeamisnin axeanoxon onanti

Axeamis bakebobetan yoyo ikai. Jawe bachiboki yame itan neten bikanai.  
Bakebaon shinan ninkatai.  
Jainxon yoikanai mesko jaweki akanaibo.  
Axeamisnin jato yokatai: ¿Jawe jawekiboki non neten akai? ¿Jatian jaweboki non yame akai? ¿Min papa betanki jawekeska nete iketian mia ipo bachi bii kai?  
Bakebaon yoiai ninkawe.  
Min jemanxonkin jawe teebo akanai yame itan neten.  
Bakebaon yoiai ja tee akanai.

Axeamisnin jan teeti kirika jato meniai.

**¿Tsoabaonki tee akinai?**

Axeamisnin.


**¿Jaweranoxonki tee akanai?**

Axeti xobonko.

**¿Jawe jawekiboninki non tee akai?**

Rapis.

**Jawe teeboki min jemanxon yame itan neten akanai ja ribojanwe.**





# Ipo bachi

Ipo bachi riki jene  
beaitian icha. Jawen  
titayabi bixonra piti.  
Nato ipo bachira  
meskoaxon jawekiati iki,  
kenananax boxon bikanai.



## Ipo bachi jaskaaxon jawekiatibo



Jane: .....

# Meskoaxon ipon bachi jawekiati

## Axeamisnin axeanoxon onanti

Bakebo betan yoyo iwe.  
Westiora tita yoiwe axeti xobon joti, bakebo jaskaaxon jawekiati axeanon.  
Wetsa neten yoibata titan axeti xobonko ipon bachi beai, ipon yonan, ipon beten bachia meskoa, ipon bachi manpin, ipon bachi kawa, paranta, yochi, tashi.  
Titan bakebo yoiwai jaskaaxon ipon bachi jawekiati.  
Bakebaon tita yokata yoiwai.  
Westiora jawekiatibo yoiwai titan, jaskaaxon jawekiati.  
Axeamisnin bakebo yokatai kirikain wishati jaskaaxon ipon bachi jawekiati.  
Babebaon shinan ninkawe.  
Jan teeti kirika tsekaxon jato meniwe.

Ribojo oinbokin wishakanai jaton atipanakan, titan jato axea shinanbokin.  
Axeamisnin jato oinxonai jaskaakin wishakana.  
Jainxon jatobetanbi benxoati jaketian jato axonai.  
Seneanxon yoikanai.  
Ribojo oinxon bakebaon yoiwai ipon bachi jaskaaxon jawekiati.

### ¿Tsoabaonki tee akinai?

Yoxaman.


### ¿Jaweranoxonki tee akanai?

Axeti xobonko.

### ¿Jawe jawekiboninki non tee akai?

Rapis.

**Ipon bachi meskoaxon jawekiati iki wisha, axeamisnin akinaton yoyo awe. jainxon min akatoninbiri mibe axeaibo yoishokowe.**





# Atapa inaati

## Axeamisnin axeanoxon onanti

Axeamis bakebobetan yoyo ikai jaskaaxon atapa itan mesko isabo inaati.

Yokabo axon bakebaon shinan onanwe.

¿Matoki atapa inaaya iki? ¿Jaweboki maton pimai? ¿Jaweranoki oxakanai? ¿Tsonki jawekiamai? ¿Jaweboribimein non inakakai?

Kimisha tsama bakebo imaxon jato yoi ai jaskaakin atapa inakakai iki tsiniti.

Tsini jeneta pekao ja tsamabaon yoi ai jaskati tsinikana.

Jan teeti kirika jato meniwe.

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xobonko.

¿Jawe jawekiboninki non tee akai?

Rapis, mesko ribojobo.

**Jawe yoinaboki min inakakai ribojanwe. Jainxon yoiwe jawekeskaakin min koiranai.**







A large rectangular area with a solid purple border. On the right side, there are four horizontal dashed blue lines, serving as a writing guide.

Jane: .....

# Sanken Sina ipo bachi bii kaa wisha

## Axeamisnin axeanoxon onanti

Bakebo yakakinxon yoiwe bachi bii bokanai. Moa yantanbi jato keshanwana ja shinanyabi neteax bokanai. Bakebo maxkopari iken iweyamakanai yoina ibon isinmati atipanke. Bakebo shinamawe jain yoinabaon bachiai, wetsa neten yosin yoi ai ninkaibata. Jainxon yoikanai jawen papan jaskaaxon bachi biti jato yoi a. Rama axeamisnin akina bakebaon wishai, **Sanken Sinaki ika.**

Rekenpari jato jan teeti kirika petsexon meniwe.

Bakebaon yoi ai jawe janeki ikai ja wishakana kirika.

Jatibi bake yoyo ikai, jaton shinan yoi, axeamisnin jato wishaxonai ja yoikanaibo

Axeamisnin axon jato yoyo axonai, jawekeska iketian jato benxoaxonai.

Jaixon jatixonbi oinkanai.

Jainxon jaton kirikain tanakin wishakanai. Westiorabaon tanakin wishai jaton atipana kaman.

### ¿Tsoabaonki tee akinai?

Axeamisnin.

### ¿Jaweranaxonki tee akanai?





Axeti xobonko.

### ¿Jawe jawekiboninki non tee akai?

Rapis.

**Jaskaaxon ipo bachi bikanai shinanxon ribojanxon min atipana kaman wishawe.**





Jane: .....

# Bichini iki tsiniti

## Axeamisnin axeanoxon onanti

Bakebo betan yoyo iwe, ja tee akanai yoiwe.  
Westiora bake masenma pichika tanoni bero  
napoxon meniwe.

Wetsa bake meniwe chonka, ja rabe bake  
tsinia jabe axeai betan bianananax.

Jainxon toponxon yoikanai, neskaakin pichika  
tanoninya ikenbi rabe bichinai iki.

Jainxon toponai jawetika baneta ixon.

Jaskaribi joni ikanai mesko jawekinin, botiria  
repoti, xepan, mansian bero, repox itan  
wetsaboribi.

Axeamisnin jan teeti kirika pei senentiain itina  
pei S4 tsekaxon jato meniwe.

Bakebo mesko bimi berobo meniwe.  
Rabebo bianananax bichinananai iki tsiniti jato  
yoiwe.

Axeamisnin yoia jati bichinti seneanti jake,  
senenxon yoikanai.

### ¿Tsoabaonki tee akinai?

Axeamisnin.


### ¿Jaweranoxonki tee akanai?

Axeti xobonko.

### ¿Jawe jawekiboninki non tee akai?

Botiria repoti, xepan, mesko bimi berobo,  
rapis, mesko minedun jan tsiniti menia  
jawekibo.

**Jaweti bachi naaki jaa, jaweti bachiki xekekan pia, ja piaki jaweti baneta, jati paketa  
ribojo bixon taxtanwe. Jainxon jati wishawe.**







Jane: .....

# Kirika samatabo tana

## Axeamisnin axeanoxon onanti

Bakebo betan yoyo iwe, nato oxe kirika aki ja axekanabo yoikanti kopi.

Jainxon bakebo meniwe jaton tee akabo.

Ja pekao bakebo yokawe:

- ¿Mesko jaweki axenoxonki non jawebo aka?, ¿tson xobonki noa meraibata?, ¿Tsoaboki non axeti xobonko joibata? ¿Jawe akimein axeti xobonko joibake, yoxan, papa, tita, jema koshi? Yoita.
- ¿Jawerato teeki min kenshaman ika? ¿Jaweranoboki noa kaibata mesko jawekibo axenoxon jato yokati?
- ¿Tsoabetanki min teebo akai?, ¿tsonki mia akinai?
- ¿Jaweboki mia axea nato oxe? Shinanxon yoiwe.

Jan teeti kirika pei tsekaxon jato meniwe. Ribojana pekao jabe axeaibo yoiai ja tee aka.

### ¿Tsoabaonki tee akinai?

Axeamisnin.


### ¿Jaweranoxonki tee akanai?

Axeti xobonko.

### ¿Jawe jawekiboninki non tee akai?

Jan tee ati kirika.

¿Jawerato tee mia axeaki min kenshaman ika? Ribojanwe.



# Jakonax janoxon ja seneanti jawekibo








| Mechokixonra en piai  | Ja nete 1 | Ja nete 2 | Ja nete 3 | Ja nete 4 | Ja nete 5 |
|---|-----------|-----------|-----------|-----------|-----------|
|  |           |           |           |           |           |


Jawerato neteki mia mechokita, ja nete westiora chite sikawe.

| Eara xechokitai   | Ja nete 1 | Ja nete 2 | Ja nete 3 | Ja nete 4 | Ja nete 5 |
|---|-----------|-----------|-----------|-----------|-----------|
|  |           |           |           |           |           |

Jawerato neteki mia xechokita, ja nete ikainko westiora bemana ribojanwe.



# Axetixobo matsoxon jakon akin jawekibo awe

|   | Ja nete 1 | Ja nete 2 | Ja nete 3 | Ja nete 4 | Ja nete 5 |
|---|-----------|-----------|-----------|-----------|-----------|
|  |           |           |           |           |           |

|   | Ja nete 1 | Ja nete 2 | Ja nete 3 | Ja nete 4 | Ja nete 5 |
|---|-----------|-----------|-----------|-----------|-----------|
|  |           |           |           |           |           |

Jawerato neteki min jato akina, matsokin, jawekibo jakon akin min axeti xobonko, janete ikainko ashtawe.





## Jan joni iti jawekibaonra en jato tsinikinai

|  | Ja nete 1 | Ja nete 2 | Ja nete 3 | Ja nete 4 | Ja nete 5 |
|--|-----------|-----------|-----------|-----------|-----------|
|  |           |           |           |           |           |

Ribojanwe bemana raroshaman jawerato neteki jan tsiniti itan jan teeti jawekibo min jato menia.



## Enra jakon akin ebe axeaibo raenankinai


|  | Ja nete 1 | Ja nete 2 | Ja nete 3 | Ja nete 4 | Ja nete 5 |
|--|-----------|-----------|-----------|-----------|-----------|
|  |           |           |           |           |           |

Jawerato neteki mibe axeaibo min jakon akin raenankina.





Ea riki      Ea riki  
ainbo bake    benbo bake



*Nokon jane riki:*



# Nokon anibo



Nokon tita

Nokon papa







# Nokon wetsabo itan nokon poibo







**Nokon  
kenshaman piti**




**Nokon kenshaman  
xeati**






# Nonkon shinan riki



Eara raroai



Eara onisai



























































































































































































JAINOAX  
PEOKOTA



1

2

3



5



7

8



10

11

12



14

15

16

17



19

20

JAIN  
KEYOTA





**JASKATI  
TSINITI  
YOIYA**

- 1** Rabe bakebo biananamawe.
- 2** Bakebaon mesko jaweki bixon tsamanti jake jan tsiniti.
- 3** Westiora bakenpari dado potaxon ja topontiain paketa oinxon jain rakanai.
- 4** Ja pekao wetsa baken ashokoai, jaskati tsinikanai.

**Neskara ribojobo pikoketian jaskati tsiniti:**

Pirotain nokotax: rabe ja toponti winomaxon kimisha itinko jaweki min bia rakanwe.

Toponti 4 nokotax: chosko ja toponti winomaxon pichika itinko makan rakanwe.

Westiora ratonko piti xoi itina nokotax: westiora jaskakin yoa axón piti yoive iti atipanke kawa, kobin.

Bawin ikainko nokotax: peokoti tsiniribiwe.





